



清平初選後集

卷三

西村張淵懿硯銘選定

簣山田茂遇鬚淵同評

新城王士禎貽上叅閱

小令三

訴衷情

第四體

一名一絲風

又訴衷情令

春遊

宋轅文

飛蟲漾彩弄春光。花雨暗生香。流蘇半遮金犢，風捲杏衫黃。  
沿翠陌，度金塘。試輕裝。珠鈿落處，玉勒迴時，無限思量。

秋夜

敖山來

微風不盡捲輕霞。一帶水橫斜。喚起秋情，無緒長笛落誰家。  
疎竹影瘦蕉花。半窓紗。月來簾外，人在樓頭，夢到天涯。

硯銘  
云山

來昔年下帷敝里與吾黨風雨晨夕主持壇坫所著制菀滔  
滔潏潏有潘江陸海之譽今讀其小詞又何纏綿婉麗雅秀  
多風也故知才  
人無所不可

閨思

季天中

高樓日日見青山。無語獨盤桓。西風吹遍岐路，一鴈度天南。  
花盡老，葉凋殘。做輕寒。啼痕尚在舊日羅衣，不忍多看。

鬢淵  
云如

泣如訴哀  
音慘惻

小至

林季度

梅梢幽萼剪宮黃。庭院落微霜。金橘分來，纖手玉瓊，暗凝香。

清酒渴，水沉颺。繫情長。青錢打馬，絳蠟藏鴛，舊事淒涼。

閨情

張止鑿

綺窓半黑漸黃昏。宿雨凍花冤。箇人天涯歸未，月影又添痕。  
拋繡線，看雙鴛。記溫存。侍兒嬌小，心事多般，却與誰論。

前題

田髣淵

牡丹花裏茜羅裙。紅迷曲院雲。手撚瑤簫吹徹，卯酒正微醺。  
蜂陣陣，蝶紛紛。意難分。合歡屏展，笑指鴛鴦，如我于君。

卜筮子 第一體

除夕

宋轅文

金爐裊夕香。玉盞傾紅酒。高捲重簾待早春。春到人間否。無

限歲華新。只是東風舊。回首今年總。是愁莫。遣明年。又

硯銘  
云極

用意處都是不着  
意處妙入三昧

閨嘆

吳日干

香粉杏花媽。眉黛春山鎖。風雨蕭蕭繡被寒。今夜如何過。脉

脉背銀缸。淚落連珠顆。暗數當年姊妹中。薄命偏生我。

鬚淵  
云美

人遲暮于  
古傷心

秋閨

張星燦

幾帶遠山橫。一陣殘鴉過。衰草茫茫送夕陽。何處江南路。垂

柳萬千條。樓閣籠烟霧。燈影黃昏動碧窓。墻角銀蟾吐。

夜憶

尤展成

秋雨急如箏。彈破江南夢。野外西風葉葉吹。撼起棲鴉動。夜

永惜燈殘衾薄。知寒重。飛盡孤鴻。莫寄書。曲冷連珠弄。

閨情

沈彥澈

珠箔下瓊鈎。翠帳輕寒透。曉夢初回欲起遲。一枕相思逗。楊

柳裊春愁。恰共纖腰瘦。風起池塘漾縠紋。苦學雙蛾皺。

榆筴錢

宋玉叔

宜向庫中藏。却在林端掛。蕩子東君不作家。散作鶯花債。萬

選繞叢懸。赤久連青靄。滿地殘英誰主人。賤把春光賣。

硯銘  
云玉

叔榆錢詞四闋字字尖  
慧謹登其一以當萬選

春閨

王顯士

獨坐小樓中。無奈鶯聲早。悶對飛紅點點愁。滿地和烟掃。一片夕陽斜。柳色長亭道。日日樓頭望不歸。日送春光老。

見採蓮人

沈淵伯

秋水浸芙蓉。的燦西湖畔。何處佳人入採蓮。剛放船頭半。生小未離閨。突地防人見。故把花枝傷玉顏。亂却春風面。

巫山一段雲 第一體

却寄

曹子顧

曉露雕欄濕。輕風弱柳斜。朱樓畫檻認伊家。曾駐七香車。翠箔昏。飾月紅綃。晚護花。盈盈玉筍。慣塗鴉。無緒抱琵琶。

秣陵感舊

田隴淵

白下經行處。疑眸鍾嶺東。舊時花月杳無踪。千疊紫雲空。 畊

續迷芳草。虬枝臥老松。江城莫憶景陽宮。暮雨濕寒鐘。 硯銘云兔

葵燕麥無限悲悽

後庭花

一名玉樹後庭花

夏詞

錢爾斐

大堤高柳蟬聲促。菱荷深綠。新買白鷗初試浴。亂萍相逐。棹船爭向鴛湖宿。采蓮時局。小袖凝香香未足。縷金花木。

添字昭君怨

旗亭偶贈

鄒訢士

應是渡頭桃葉。又擁過江雙楫。青溪遺事問當墟。莫愁湖。應

是堤邊紫玉。曾照蓬山雙燭。越溪遺勝憶朱樓。百花洲。

閨意

田髯淵

忽見一雙翡翠。飛入芙蓉晚醉。鏡奩照影看爭差。並頭花。又聽嬌鶯對語。深坐綠陰濃處。弄晴向我故飛遲。合歡枝。

醜奴兒令

一名採桑子 又羅敷媚 羅敷艷歌 醜奴兒

隋堤

王貽上

隋皇昔幸東都日。錦纜迢迢。鳳艗龍艘。剪綵宮中夜復朝。琵琶忽唱安公子。紅炬烟消。故國寒潮。一曲清江柳萬條。  
髯淵云燕

城賦中恐未有如許警句

燕子磯

董蒼水

年年腸斷青溪路。燕子磯頭。暫繫扁舟。飛盡寒雲水自流。六朝舊恨斜陽裏。無數沙鷗。莫上高樓。葉葉丹楓賺客愁。

送別珊較書

吳受茲

綠愁紅怨東風去。香霧斜吹。落日遲遲。試問相逢在幾時。思欲斷春歸路。杜宇無知。不管人悲。偏向枝頭喚別離。

夜坐

張北是

湘簾深鎖黃昏靜。月也朦朧。花也朦朧。剔盡銀燈半點紅。翠屏寶篆寒輕逗。雲意斜封。烟意微籠。墻角山茶幾陣風。

幽情

宋舜納

紗幮如霧人如雪。初解羅衣。乍掩金屏。今夜燈前細看伊。月

華已到深深處。莫說相思。零落胭脂。應被窓前夜合知。

硯銘云舜

納天姿韶秀。嗣美蘭臺神女賦。成別有領會。當非登徒子所知。

照鏡美人

吳天石

特地曉粧疑半面。鏡外無雙。鏡裏無雙。宜笑宜顰自忖量。無語人知無語事。休與端詳。剩與端詳。獨綰雲鬟兩地忙。

減字木蘭花

秋閨

宋尚木

去時相見。睡向綠窓看玉面。欲語如何。只怕相逢離恨多。天公心軟。瘦殺玉人偏不管。繡枕餘香。其奈明河秋水長。

鬢淵云言

情之作婉折沉摯。非老手不能。

題畫

王敬哉

萍浮翠帶。奩鏡波明。鷗岸外。款乃聲低。一抹遙林。雲影迷。帆路轉。煙火霏微。村巷遠。旋失沙尖。雞犬聲中。出酒帘。蒲

齋中微雨

梁玉立

綠窓纔啓。雨過苔青。堦似洗。咫尺烟霞。風動朱欄。芍藥花。夢回如醉。人語驚殘。鸚鵡睡。三徑誰開。籬外多應。一仲來。夢

馮庄看海棠

垂楊別館。蠹蠹高樓。當翠巘。草綠閒堦。蛺蝶尋芳。自往來。主人何處。客醉金卮。愁日暮。燕入誰家。落盡東風。第一花。主

重泊吳閶

魯謙菴

人何處。客醉金卮。愁日暮。燕入誰家。落盡東風。第一花。

錦帆行處繫艇當年垂柳樹漁火江楓霸業銷沉在此中似  
曾相識烟寺一鐘霜浦笛喚起離情知隔雲間第幾層

上巳後一日途次涪川

陳其年

花紅草綠昨日濃春經阮曲碎雨零煙今日愁人過涪川  
春去半半付郵亭和驛館溱洧潺湲上巳無人出采蘭

經別墅

申鳧盟

香巢燕乳玉樹堂前相對語開到薔薇有客關情獨掩扉  
石

床依舊曾記童時拈草鬪不覺眉攢往事詩鐫竹幾竿

鬧淵  
云鳧

盟詞不多得此  
從扇頭錄出者

山遊

柏斯民

遙峯雪乍望裏渾疑飛瀑掛更轉山塘一樹梅花玉有香  
樓雲冷應是瓊姬眠未醒自笑遊人輸尔寒禽坐樹深  
珠

閨怨

楊白崖

弓鞋不定踏破花陰苔影靜濕露侵簾牆角清光逗碧蟾  
欄凝佇又見雙星如對語點點螢飛來往依然上畫衣  
憑

遊西山同鬧淵

田叔殷

紆迴石徑一鳥啼花林更靜莫惜殘紅點點曾留詩句中  
頭廢寺玉輦宸遊何處是倚壁孤亭拂面蒼松入座青  
溪

雨中杏花

陸曠菴

珠簾半捲寒擁嬌紅枝上淺猶帶朝烟故意垂垂畫閣前  
廉



織不斷。那管愁人心已亂。欲放還。合博得紗窓幾度探。

春閨

莊天申

簾垂永晝。人在西樓初罷繡。斜倚雕欄寂寂棠梨春。又殘。鵜  
鵜比翼。方塘碧水相憐惜。閒却巫峯若個襄王來夢中。

花前

魏亮采

鶯啼處處似惜春光留欲住。啼向花深作伴。花間載酒人。花  
飛不定。幾尺落紅迷曲徑。漫放尊空一晌春光夕照中。

春思

陳謫公

遊絲片片飛去還來愁不遣。絆住啼鶯隔院花間。叫一聲。金  
鈴聲動。一半韶光風雨送底事。沈吟為聽樓頭吹笛人。

閨怨

金天石

閑愁閑悶不覺韶華容易褪。月下花前嬾去閒行。只獨眠。萬  
千心緒。三月垂楊風後絮。望斷斜暉還見雙雙燕子飛。

春曉同王丹麓作

孫執升

杏花啼鳥紅日三竿晴弄曉。風落朱欄着意吹人也不寒。倚  
殘翠袖。漸覺塔前花影瘦。別館調琴費我生平一片心。  
硯銘  
二云意

自生新調能合  
古神到之作

旅思

張因元

江南草綠香閣珠簾人似玉。草綠江南三月春風馬首寒。斜  
陽野水客路茫茫烟樹裏。野水斜陽玉笛殘霞總斷腸。

舟中

錢聖月

詩。竟。字。影。繪。出。江。山。無。數。景。夜。月。春。花。半。在。孤。舟。半。在。家。陶  
然。醉。了。夢。破。漁。歌。聲。漸。杳。何。處。疎。鐘。又。促。征。人。趁。曉。風。

夢游

徐居甫

石。梁。天。造。翠。竹。銀。沙。隨。意。到。月。地。雲。堦。不。見。嬋。娟。獨。詠。來。方  
塘。清。照。無。數。好。花。窺。着。笑。影。浸。樓。臺。扇。扇。紗。窓。水。底。開。  
鬚淵  
云似

夢非夢。倘恍  
不可思議

渡江

李竹西

江。濤。如。許。試。問。長。空。無。一。語。明。月。晴。沙。兩。兩。漁。燈。照。客。槎。曲  
終。不。見。因。甚。青。峯。猶。拍。小。棹。雲。開。立。盡。寒。潮。人。未。來。

過故友別業

徐啓遠

當。時。相。對。紫。蟹。紅。醅。燈。下。醉。今。日。重。來。石。竹。秋。葵。滿。地。開。驅  
車。欲。去。竟。斷。山。陽。聞。笛。處。離。恨。無。端。落。日。柴。門。流。水。寒。

舟行

吳寅仲

陰。溪。喬。木。無。限。清。陰。涵。水。綠。一。樹。丹。楓。墻。角。遙。分。落。照。紅。炊  
烟。四。野。秋。鴈。一。行。飛。欲。下。點。點。霜。花。夾。岸。芙。蓉。直。到。家。

初夏放舟郭外

曹子顧

垂。垂。紫。棟。四。月。江。心。頻。點。燕。亭。館。誰。家。天。棘。抽。條。出。屋。斜。輕  
舸。不。穩。移。向。伍。塘。風。力。緊。晴。日。將。西。黃。犢。江。村。水。一。犁。  
硯銘  
云子

顧詞有不衫不履之致。仙姿飄舉自成一家。言求之古人中亦未可多得。

人在黃昏

黃雲孫

風風雨雨二十四橋濃望處。玉珮丁東。翡翠屏間醉小紅。楊州歌吹。別院笙簫。花底媚人在黃昏。金鴨香消半掩門。

離情

林季度

疎燈自語。翠被香消。窗外雨纔解。相思人去。天涯知幾時。曉風侵戶。夢逐鷄聲飛不去。一寸柔情。花落閒庭春草生。

閨意

趙雙白

春光去矣。落盡殘英。飛不起。枝上流鶯。催得紗窓午夢醒。垂楊樹。樹綠遍江南。腸斷處。天際悠悠。日日凝粧望客舟。

留別阮亭家弟

王子側

去年今日。三日嚴寒。天欲雪。不憚衝寒。舊約重來白板船。今年今日。回首西陵人又別。無限離思。車馬風帆各自知。  
鬢淵云

那昆季花萼交輝久。擅荀龍薛鳳之譽。小詞爭流競秀。目不暇給。情難周賞。家風世美。真冠絕一時。

為長沙女子王素音作用稼軒過長沙道中見婦人題

字意作韻

王貽上

離愁滿眼。日落長沙。秋色遠。湘竹湘花。腸斷南雲。是妾家。啼空驛。覓化杜鵑。無氣力。鄉思難裁。楚女樓空。楚鴈來。掩

春雪

黃兩相

蕪城二月。忽見銀濤。寒尺雪。洗却春愁。為愛清光上小樓。玉鱗滿樹。積素更憐孤鶴步。惟有梅花。疎影偏宜帶月誇。

春風何處

王次谷

春風何處。燕隔珠簾。啼小樹。曉日候家。犬帶金鈴。臥落花。打圍郊外。曲室紅妝。燈底待。索酒橋頭。別館青衣。馬上留。  
硯銘云。翩

翩。裘馬玉勒。金丸神揚。意得想見富平公子。縈鞭逐醉時。

垂柳

陸蓋思

臨風欲去。却又依依。春絆住。眉嫵鬟垂。玉鏡臺前。憶夢時。萍踪水面。牽惹柔腸。纔一線。故故鶯啼。花影斜陽。在水西。

閨意

施克生

當年金井。雙鳳翠翹。花下整。今日香幃。獨對青鸞。誰畫眉。西江人去。夢到西江。人不遇。芳草迷離。心着王孫。望馬蹄。

秋興

蔣蕉原

秋風落帽。一夜黃花。和我老。衰草雲迷。古墓寒鴉。相對飛。月明千里。立盡黃昏。誰共語。欲訴行雲。爭奈嫦娥。不應人。

好事近

一名釣船笛

春恨

徐野君

剪斷海棠。絲拋却。春心不管。楊柳那知人意。惹鶯兒。悽慘。紅眉翠。不堪消。擁着半床。懶。二十四番。花信數。春宵愈短。  
鬚

云王實甫日高猶自不明眸。好懶懶。覺此差勝。

夜景

王伊人

燈影動。朱樓十里。月明芳草。望裏溪橋路遠。古寺鐘聲。杳白。

雲深處是春江露冷關山渺萬戶澄澄如水數點疎星小

淵鬚

云寫夜景幽勝不減天澹銀河垂地之作

春晚

賀天士

草綠蝶香濃惱殺妬花風雨雨後落英幾許向盡橋流去

夕

陽醉起疑初曙夢斷聞鶯語又是晚霞零亂嘆人歸何處

銘硯

云與李義山醉起微陽若初曙映簾夢斷聞殘語同一工妙

謂金門

一名出塞

又垂楊髮

花日落

題美人圖

吳駿公

人離別屏上小山婁絕欲寄相思教誰說梧桐初下葉窗外

冰鬢輕撒立盡閒塔周折慢把羅幃向前揭早是愁時節

澆花

趙清止

風漠漠欲雨輕陰還閣睡損曉眉山一角倚欄春袖薄喚起

小鬟梳掠百尺銅餅雙索爲洗窓前紅芍藥梢頭珠亂落

紅葉

李舒章

青楓浦染出空天江暮隔岸胭脂新雨度小樓腸斷處

疊疊

亂紅秋路又被西風吹去翠袖拾來看幾度欲題無一語

淵鬚

云渺衆慮而爲言

晚晴

宋轅文

風着力吹散暮天雲碧樹杪未收殘雨滴斜陽光幾尺歸燕

空梁對立自說晴春消息不捲簾芳草色香堦人斷跡

懷子存燕邸

孫古墜

人獨立嶺樹重重斜日雙鯉頻烹書又隔秋聲空四壁想走馬長安陌耿耿銀河夜直桂子翻成紅杏色欲歸人未得

無題

張硯銘

人久隔猶憶當年相識柳眼花容春未逼好風空費力一向影無消息昨夜細詳端的醉裏暗將紅豆擲醒來偏記得

云寫情事不佻不露自能婉折盡致雜之花間無辨

淵

柳含烟

第一體

本意

玉賂上

銷魂樹曲江邊移自永豐坊裏東風吹雪又吹綿艷陽天何

處行人歌水調極目黏天芳草錦帆會此向天涯落誰家

硯銘

云旁見側出措思在離卽之間是當行高手

閨夢

田鬚淵

流蘇暖夜缸殘彷彿江南烟水滿堤芳草碧天長月茫茫飄渺香竟無定處偏是離人難遇隣雞唱破一天秋入西樓

華清引

晏起

鄒訶士

重重珠幙護窓紗春思方佳一種驕慵如夢微聞鶯語譁丁香輕掩扣微差綠雲半側堆鴉枕痕紅暈重不敢見菱花

憶秦娥

一名秦樓月

又憶秦娥

雙荷葉

碧雲深

楊花

宋轅文

黃金陌。茫茫十里春雲白。春雲白。迷離滿眼。江南江北。來時無奈珠簾隔。去時着盡東風力。東風力。留他如夢。送他如客。

鬢淵云對此茫茫百端交集何待風起愁人

杜鵑

計子山

春。蒐。血。柳。條。吹。得。東。風。咽。東。風。咽。河。陽。置。酒。秦。淮。送。別。黃。昏。細。雨。清。明。節。六。朝。金。粉。三。江。月。三。江。月。不。如。歸。去。舊。家。宮。闕。

懷遠

曹徵之

傷。離。別。相。思。又。值。清。秋。節。清。秋。節。薊。門。衰。草。漢。宮。紅。葉。愁。懷。萬。種。憑。誰。說。邊。鴻。不。到。音。書。絕。音。書。絕。長。安。何。處。晚。山。重。疊。

秋暮

張硯銘

斜。陽。裏。寒。鴉。點。點。棲。還。起。棲。還。起。冷。烟。荒。草。西。風。吹。矣。個。儂。無。賴。傷。心。底。曲。欄。杆。外。看。江。水。看。江。水。孤。帆。一。片。亂。山。千。里。

春情

烟。漠。漠。輕。風。輕。雨。穿。簾。幕。穿。簾。幕。燕。兒。未。至。梨。花。零。落。乍。寒。乍。暖。韶。光。薄。不。情。不。緒。離。懷。惡。離。懷。惡。鶯。兒。剛。至。柳。花。飄。泊。

鬢淵云對景傷懷有言外不盡之意

清平樂

一名憶蘿月

秋曉

李舒章

月。殘。銀。井。涼。夢。驚。香。醒。未。捲。羅。幃。生。烟。烟。露。葉。啼。紅。滿。徑。起。

來獨上簾鈎。初寒先入青樓。翠鎖不堪濃黛。金風又拂篔簹。

前題

宋轅文

鴈聲初到。遠夢驚回。早殘月。殘燈和淚照閒憶。去年秋草。起  
來檢點芙蓉愁。紅恰與人同。扶得滿身憔悴。那堪更對西風。

硯銘云每於閒處着想隱隱躍躍神理畢到得宋人不傳之秘

舟次風雨

林平子

離愁化雨濕。遍江南路。總是今朝不得去。欲勸東風且住。年  
年作客消魂。半春心事難論。只恨那回憔悴。又經兩度黃昏。

蛺蝶

朱禮頌

雙雙乍見飛過鞦韆院。並宿烟叢香夢倦。猶悵尋芳未徧。伴

蜂逐絮輕颺。前身疑似何郎。兩翅不嫌粉浣。一春總為花忙。

東亭春日寓懷

孫豹人

花時雨候。贏得雙眉皺。短嘆長吁人背後。却怪人憐清瘦。歸  
來甕酒初甜。堂前桃李相兼。小妾不嗔白髮。先生並坐朱簾。

春雨

宋河宗

開窓春小。疎雨催花早。柳細風斜寒料峭。遠岫暮雲偏杳。無  
聊獨倚朱門。可堪又到黃昏。憐取床前銀燭。夜深長照啼痕。

硯銘云銀燭依床可補閒情賦所未到

答索琴

鄒訢士

琤瑤寒玉清調隨秋竹。舊時慣弄求凰曲。莫把朝飛輕續。一



彈明月輕紗。再彈夜雨梨花。莫使高山流水三分攪入琵琶。

春暮

張西鵝

迎人花鳥指點前山小。却怪園林添綠早。一夜茶蘼謝了。歌

喉力怯東風。停針倦倚簾櫳。舞蝶輕狂特甚。飛飛故惹殘紅。

古春芳

偶拈

孫衣月

飛急漿。催柔艣。一葉下邗關。為厭承明歸去。誰人識取風山。  
生怕鬢毛斑。好乘時及早身閒。此行何處吾廬也。十畝之間。

洛陽春

一名一落索 又上林春

珠蘭

林定遠

點點珠圓玉潤。幽香成陣。楚宮漢殿不同根。別是一枝風韻。

雨過晚霞紅暈。涼侵蟬鬢。靜看芳蕊更宜人。冰簟紗厨月近。

視銘云定遠為安國平子武宣難弟更有季度肩隨一門五鳳不數王謝風流金昆玉友極一時之盛矣

誤佳期

樓晤

龔孝升

香定剪風羅幙。客踐籠燈芳約。紅綃沾酒下簾時。失記登樓作。

狂枕玉簫眠軟。絆金蟲落掃眉才子賦多情。可是憐輕薄。

更漏子

憶別

沈君晦

憶佳人南浦去。攜手向人低語。眉樣淺。翠衣輕。鶯啼盡舫行。

香閨掩。珠幃歛。春剝楊花千點。愁不禁。暗消魂。黃昏獨倚門。

夜泊

白仲調

畫欄橋。垂柳岸。夢斷鵲爐烟散。梅雨潤。麥秋寒。高城漏未。動輕舟。聞細浪。三尺晚潮初上。風又起。酒偏醒。啼鳥欹枕聽。

硯銘云水郵山驛之况宛然在目

前題

李湘北

鯉魚風。楊柳月。碧渚沙寒似雪。波渺渺。夜迢迢。畫船何處簫。蓮葉舟。梅根冷。着處秋光瀟灑。萍浪穩。錦帆閒。江天無限山。

寒食舟中

杜九高

角初殘。霜欲墜。冷破客衾如水。村落靜。夜鴻驚。北風吹夢零。

睡難成。醒又苦。依約沉沉三鼓。思往事。不分明。寒鷄更一聲。

相思引

燭

張次璧

夜夜高燒照畫屏。空堂只見月痕生。芳心灰冷。曾向熱邊經。煞是有情能惜別。消磨更漏淚頻傾。風流無賴。不許到天明。

相思兒令

燒香曲

董文友

銀葉如錢一點。漫爇小蓉丸。憶得韓郎去後。十樣淡眉攢。博山紅獸猶寒。只因愁緒多端。淚痕濕處。頻薰吐花衣袖。難乾。

荊州亭

醉美人

鄒訥士

嬌重偏憎小婢髮。髻故梳時髻。倒暈鏡流紅。重上桃花粉膩。蟹眼珠泉響。細鬢帳。玉山人起。一啜便驕郎。可解櫻唇至味。

眉峯碧

惜別

賀黃公

樓角簾齊捲。目送香車遠。危欄倚着不回頭。無奈天街又轉。華月中宵滿。花影窓前亂。恐伊今夜夢中來。朱扉盡啓。休教掩。

記夢

徹夜愁無寐。欲起翻成睡。分明又到鏡臺前。爲伊寫雙蛾翠。紫桂香浮砌。手折簪儂髻。道金風最是不宜人。月中露下。休沉。

醉道字

鬚淵云夢中如許  
憐惜覺時可知

望仙樓

彈箏

葉丙霞

纖纖徐度十二絃。指上落花流水。簾外微風初起。一陣霏桃雨。悠然夜月清商恨。蹙秋波無語。餘韻驚塵縷縷。散入垂楊裏。

甘草子

看繡

黃奉倩

呼婢裁剪吳綾。密密堆針。指繡出兩鴛鴦。展翅荷花底。二三月春光。彈指是都拋擲。剪刀聲裏。慵繡綠窓鶯喚起。想此情何似。聖無憂。比錦堂春首句少一字。

齊頭桂藥

毛公阮

檻外秋雲白。簾前桂影浮黃。娑婆樹下脩蘭漿。人在水中央。濁酒堪消金粟。傲裘不俗天香。謝君寬我三秋瘦。可耐到重陽。

阮郎歸

一名醉桃源

又碧桃春

閒愁

李舒章

滿簾暮雨對青山。樓高香袖寒。絲帆遙落水西灣。銀箏無意彈。金鴨冷。淚珠殘。一庭紅葉翻。鷓鴣飛去又飛還。人如秋夢闌。

秋曉

夕陽庭院鎖芭蕉。涼風和鴈高。芙蓉紅褪滿江湖。金塘知路遙。羅袖薄。晚香飄。歌梁空燕巢。添衣小立紫闌橋。淒涼聞鳳簫。

春閨

蔣孝培

垂楊一帶弄晴暉。春深簾幙垂。笙歌暫歇篆烟微。小樓人未歸。花欲墜。燕還棲。空庭日影移。尋思應自悔來遲。楊花到處飛。

秋深

宋轅文

霜華壓露滴重軒。西風閒到門。中愁如夢悄無言。一庭楓葉翻。多少恨。與誰論。秋雲灑淚痕。斜陽易盡又黃昏。重消前夜魂。

清明

王貽上

平山堂外又清明。春蕪初蘸青。梨花燕子滿江城。人家聞賣餠。邀伴去。踏莎行。竹西歌吹聲。酒旗一片颺前汀。青絲何處停。

隴頭月

傷逝

吳蘭次

西風過處。憔悴了。白楊無數。斷草黏雲。殘花泣月。故人黃土。  
記得雷塘東去。曾見南朝官樹。萍入歌船。螢飛舞榭。愴然今古。

硯銘云蕭蕭白楊之歌不堪多讀

玉聯環 第一體

惜別

宋尚木

別時不道離愁苦。放伊教去。誰知去後。悄無言。却恨那時輕許。  
借問而今何處。朝朝暮暮。一般踪跡。似行雲。留不住。如飛絮。

題得明月五湖看欲滿

毛公阮

落花無語。凭秋草。烟空月小。懷人千里。晚風驕去。夢尚留多少。

天影入湖浮碧。黛痕如掃。人因月缺。罷凭欄。月却不因人老。

喜遷鶯 第一體 一名鶴冲天

染甲

董文友

拈金鳳。擣硃砂。纖指染紅葩。慙慙捧得玉甌茶。光映綠沉瓜。  
問麻姑。和李賀。長爪誰爭似我。落霞琴上。不曾差。流水泛桃花。

畫堂春

春思

王次回

東風吹雨。破花慳。客瓊曉夢生寒。有人斜倚小屏山。感損眉彎。  
合是一釵雙燕。却成兩鏡孤鸞。翠綃封字。問平安。寄與啼斑。  
鬢淵云題封并寄淚痕意深  
一層與翠袖凝斑便覺青藍

春陰

宋尚木

雕梁輕羽拂香泥。玉筐自小雙栖。經年話別兩依依。羅幌先知紅粉暗消青鏡。玉蔥常冷金猊。相思滿院惜芳菲。愁掩春暉。

前題

錢子璧

朦朧烟鎖畫樓高。樓前楊柳垂腰。杏花昨夜隔溪銷。一片紅潮半捲。半垂簾幙。漸微漸遠。蘭膏無心更取翠蛾描。望盡春郊。

春閨

宋既庭

鴉鬟雲鬢日初長。相思芳草斜陽。倚欄紅袖燕泥香。柳線拖黃。子夜玉笙吹鳳。誰家舞鏡歌凰。畫屏縈繞合歡床。私語商量。硯銘云其新孔嘉其舊如之。何既庭翻作小詞何等蘊藉。

春院

馮霄燕

晝長人靜畫堂空。曲欄花影重重。綠楊陰下海棠中。記得相逢。環珮聲遲瑤砌。綺羅香透雕籠。而今回首晚烟紅。滿院東風。

閨情

王季友

東風軟透露花香。開簾燕拂流黃。曉霞明媚映紅粧。新樣眉長。斜倚朱欄獨立。低頭笑、然垂楊。夜來清夢到瀟湘。今日思量。

春暮

林定遠

今朝雨帶昨宵風。海棠飄盡殘紅。流鶯啼過碧窓東。試捲簾櫳。拾翠人遙洛浦。為雲夢破巫峯。花開花謝怨春工。不肯從容。

閨思

張硯銘

風吹疎雨濕飛紅。香。竟。飄。滯。無。踪。春。心。零。落。減。芳。容。恰。與。花。同。  
屏上雲山杳杳。簾前烟水重重。鴈歸西北燕來東。何處相逢。  
鬢淵云眼前句似人人能道却是未經人道

錦堂春

本意

賀黃公

幾日愁醒耽臥。連宵聽雨憂花。新晴又報櫻桃熟。門外駐鈿車。  
鬪鴨欄邊。賭酒聽鶯院裏。評茶慵來閒步。蘼蕪境。紅雨亂裙。  
袂。  
視銘云艷不傷雅能以幽媚勝人

秋怨

程墨仙

玉簫寒。生暮雨。冰綃淚染朝霞。多情記得還家。未叢桂已無花。  
譜入銀箏恨切。窺來寶鏡愁加。無端鴈去書難託。飛盡總由他。

五更

孫秋屏

窓畔蘭燈消滅。床頭角枕微寒。香纏繡被朦朧睡。花露濕。欄杆。  
點點銅龍。淒耳温温。小夢初殘。鳳釵欹落。添惆悵。睡起整眉山。

秋夜

計子山

新桂蛾眉如畫。芳蘭婉變初斜。晚來潮上蒹葭白。烟月弄秋紗。  
二十玉鸞彈怨。兩行銀鴈催花。從來最是傷離恨。幾度唱梁家。  
視銘云子山天才藻麗心花意蕊飛出毫端雖極沉鍊而若不經意

閨情

張又李

柳帶年年染碧。桃腮歲歲勻紅。玉樓烟鎖西江路。窗外夕陽空  
中。獨坐愁看芳草。無言彈淚東風。鷓鴣不啻愁腸斷。頻喚綠陰

海棠春

本意

宋尚木

曉窓啼徹流鶯語。道別後亂紅無主。漫倚畫欄斜。羞對相思處。  
海棠開謝君知否。早寂莫傷春幾許。一任可憐人。暗逐東風

去。

鬢淵云相思處如何羞對妙難索解

閨情

戴餘照

碧池擎出新荷。小路去遠歸期忘了。晴雨未分明。杏子生多少。

曲欄低護花枝好。記得他臨行說道。衣襯石榴紅。帶綰宜男

草。

硯銘云本調艸堂所載淮海詞換頭仍係七字兩句後人誤讀作四字兩句六字一句遂相沿習而董遐周復作三字兩句七字一句參錯不齊遠違成譜即倚聲亦未辨其訛也

武陵春

乍雨乍晴

黃雲孫

為怕日光爭欲雨。雨過日偏明。半欄斜照忽雷聲。晴雨總無憑。  
却似蕭郎多薄倖。歸去又還行。薄倖從天教得成。天也忒無

情。

硯銘云誕得奇創

和漱玉詞

王貽上



昨日相逢歌扇底。偷贈玉搔頭。畫閣香濃。且休秋水。簾文流  
送別慙慙楊柳岸。花雪滿行舟。雙漿凌風。蘭葉舟。又捲起一

江愁。又字 髯淵云與漱玉 原詞同工競美

秋蕊香

咏桂

李舒章

昨夜涼風微度。吹下青腰仙步。多情細剪金衣縷。簌簌寒香無  
緒。月中露下尋芳去。空延佇。綠雲初染。輕檀炷。暗入羅幃深  
處。

眼兒媚

一名秋波媚

又眼兒眉

郎懷

龔孝升

窓紗桐洗葉。唸秋翻動。一春愁。玉鞭酒市。醒來斜月。醉裏朱樓。  
柔腸憔悴無人見。見即恐花羞。試拋腦後。陡來眼底。又嵌心

頭。硯銘云纏綿婉至覺宋人 明朝後日等語盡屬僞父

贈妓

徐野君

翠翹伴整畫屏東。映入酒杯紅。檀板敲殘。玉簫吹澈。星眼微朦。  
風裊烟鬟。竟欲斷。何處楚雲峯。楊柳堤邊。桃花馬上。燕子樓

中。髯淵云寫 得活現

畫眉

李舒章

曉來獨自上粧樓。綵筆近簾鉤。菱花未掩。朝霞初暈。直甚風流。  
青青常壓兩星眸。難畫幾重愁。盈盈只在遠山峯上。柳葉梢

頭

本意

許有介

精。蒐。石。上。憶。三。生。寒。夜。與。君。盟。簾。前。明。月。窓。間。小。飲。樓。上。殘。更。  
而。今。閒。坐。記。芳。情。麗。兒。較。可。憎。鞞。肩。倚。案。低。頭。弄。筆。斜。眼。挑。  
燈。  
硯銘云有介詩才雋逸詞復韶媚動人  
許友八閩風宜虞山老人之誦嘆也

春思

沈鹵祈

樓。外。殘。陽。過。雨。痕。烟。縷。欲。黃。昏。亂。鴉。數。點。歸。鴻。幾。陣。綠。水。孤。村。  
天。寒。不。耐。輕。衫。冷。無。語。對。芳。樽。捲。簾。人。似。芭。蕉。泣。露。楊。柳。愁。  
春。  
鬢淵云氣味  
在秦柳之間

二卷終

清平初選後集 卷四

西村張淵懿硯銘選定  
簣山田茂遇鬢淵同評  
武原彭孫通駿孫參閱

小令 四

山花子 一名南唐浣溪沙 又難破浣溪沙 增字浣溪沙

閨情

吳駿公

阿。毋。頻。催。上。玉。鈎。侍。兒。先。起。護。香。篝。曉。氣。撲。簾。花。尚。睡。怯。梳。頭。  
顰。暈。有。情。眉。岫。遠。額。黃。無。盡。眼。波。流。細。骨。輕。軀。春。一。把。許。多。  
愁。  
硯銘云此等風韻氣格乃是詞家  
正始惟南唐人能之北宋亦未到

曉粧

趙清止

銀燭初銷寶鴨濃。起來珠袜褪酥胸。細數枕痕殘。夢遠剩輕紅。  
雙啓螭奩交翠影。半欹蟬鬢卸金蟲。戶掩蝦鬚寒未減。杏花風。

初夏

李舒章

乳燕初飛水簟涼。菖蒲葉滿小池塘。七尺蝦鬚簾未捲。杏衫黃。  
竹粉新黏搖翡翠。荷香欲暖睡鴛鴦。正是日長無氣力。倚銀床。  
鬢淵云工緻語。日是詞中本色。入詩不得。乃見詩詞分限處。

閨詞

宋尚木

細斂蛾眉幾許長。湘簾初放柳花香。閒搵紅綿彈粉淚。說凄凉。

玉勒玉人雙邂逅。金盃金釧百思量。除是嬌羞低障面。弄珠璫。  
硯銘云珠圓玉潤之調。

春愁

宋轅文

芳草花開蛺蝶飛。畫堂春思上蛾眉。珠淚未乾常帶笑。少人知。  
鸞鏡照空生翠影。湘裙褶損吐紅絲。長日東風吹不去。夢來時。  
硯銘云嬌媚橫生姿態百出。

冬閨

柯翰周

天外風聲送遠愁。滿湘夢破小窓幽。聞說垂楊今已瘦。怕登樓。  
為擘金橙寒玉指。相憐紅日近簾鉤。脉脉情思嗔問着。不擡頭。  
鬢淵云琢句鏤情細潤無匹。

寄程崑崙京口

王貽上

黃鶴山前黃鶴鳴。杜鵑樓外杜鵑聲。記得戴顓招隱地。共經行。北固雲烟春望遠。南徐風雨暮潮生。一片澄江如練影。接蕪

城

鬢淵云數十字中具攬登臨之勝

春恨

曹掌公

小立窓前怨落紅。堦痕微雨翠苔封。捲起蝦鬚還復下。意重重。蝶寢花房香欲醉。鶯梭柳浪態偏慵。不覺閒愁心上湧。鎖雙

峯

硯銘云婉約有體

春情

董蒼水

脉脉柔情怯曉風。茜裙雙帶綰芙蓉。僻徑遇人羞背立。柳陰中

幾度暗顰眉黛綠。一回微笑粉痕紅。願作翠堤芳草軟。襯鞋

弓

硯銘云又補閒情所未及

春愁

鄒訏士

澹白春雲花信宜。紅香到處冒遊絲。自是淒涼渾不管。總難支。小雨三更歸夢濕。輕烟十里亂愁迷。幸得姊歸能解事。未曾

啼

鬢淵云較細雨夢回作今昔同工

春闈

計子山

風捲流蘇午夢閒。一江春水浸青山。為問王孫歸也未。損朱顏。杜宇風高啼不穩。梨花雨散月初殘。無那酒醒香寂寞。不成

眠

硯銘云子山鸞膠初續遠賦遠游鬢淵作浪淘沙詞代其嫂夫人寄外不若此之自為寫照傳神阿堵也

賀聖朝 即眼兒媚仄韻

重來

賀黃公

馬融帳後曾經識。看香風習習。絳樹呈歌。紅綃捧酪。綠珠吹笛。  
重來花下無踪跡。但草青苔碧。洛妃乘霧。紫玉成烟。素娥奔月。

朝中措

平山堂次歐公原韻

歸元公

山連霄漢。草連空樓閣。碧虛中。第五泉邊試酌。颯然兩腋生風。  
千秋勝槩。殘陽綠樹。朝靄疎鐘。非復當年欄檻。風流猶想仙翁。  
鬚鬢云氣  
槩軒豁

春閨

林季度

謝娘庭院草初薰。愁怯懶尋春。畫得雙蛾似舊。粧成重歛微顰。  
東風盡日吹殘。柳雪夢破梨雲。不道盈盈斜月。花梢又送黃昏。

桃源憶故人

一名虞美人影

又桃園憶故人

胡搗練

懷舊

宋轅文

碧湖飄蕩紅絲藕。秋斷不堪回首。忽憶橋西巷口。簾捲人垂手。  
如今風景雖依舊。明月初河北斗。換却滿堤楊柳。夢落青青後。  
硯銘云思路幽曲  
格調亦踞第一層

試香

賀黃公

粧成無事娛清晝。翠鴨深埋紅獸。銀葉剪來微厚。半晌燒纔透。孤雲一點穿窓瘦。簾外有人私嗅。入戶笑探羅袖。小合拈香

鬚淵云香氣撲人

寒食

魏子存

平郊二月東風度。數點弄晴絲雨。陌上行人來去。總是傷心處。春光不到青楊樹。蔓草淒涼無語。杜宇聲中如訴。銀海茫茫

路。

春愁

龔介眉

紅桃雨散東風起。濯濯青條如水。天別放春何地。只在鶯花裏。花朝撲蝶誰家會。點點飛花輕墜。自有舊愁牽繫。不為新憔悴。

視銘云舊意翻新不拾人牙後慧

三字令

春瘦

徐野君

深院鎖。亂鶯啼。小紅肥。夢醒後。問香肌。恰無多。剛一捻。不勝衣。花影外。夕陽低。倦覓迷。因甚恨。總難題。滿懷愁。都閣住。遠山

眉。

太常引

紀夢

計子山

青鬟如畫立娉婷。無語倚銀屏。幽恨隔重生。閒將舊事再叮嚀。香羅半袖。新紈小樣。此夜晚風清。懊恨別離輕。杜鵑多夢不

分明貽上云杜鵑多夢不分明更索對句不得

柳梢青

春望

宋轅文

楊柳梢青。東郊十里。歌盡流鶯。碧玉樓頭。綠紗窓裏。春睡初醒。天涯自有人行。日斷處。長亭短亭。記得當時。香車寶馬。寒食。

清明。

髯淵云可與淮海作今古伯仲

自憐

吳日干

非暖非寒。非飢非渴。非醉非醒。柳倦花慵。鶯愁燕懶。脉脉傷情。自憐無限。輕盈對春光。凄然淚零。幾扇紗窓。一輪寶鏡。悞我。

今生。

硯銘云悲悽愴感直欲舞潛蛟而泣娶婦

重陽閨怨

程墨仙

淚染綃霞。登高試望。雲樹偏遮。路遠樓低。天寒鴈小。雨細。向郎恁不思家。空冷落。香奩寶車。絳袋縫成。硃符裁就。開老。

黃花。

白樓

在朔州舊城後魏納秦姚興之女建飾以粉鉛故名

馮訥生

故國荒丘。斷烟無際。弔古增愁。昔日驕奢。花明香笑。霧帳雲幃。雕欄十二。清秋錦海。鎖秦姬。玉樓飛斷。花魂燒成。鴛瓦拾得。

搔頭。

硯銘云亦有銅臺宮觀之慨

柳

計廉伯

畫閣平橋。東風蕩漾。綠漲紅消。露拂章臺。風高漢塞。月曳隋橈。

離亭猶記勞勞。繫馬處。愁攀翠條。昨暮遷鶯。今朝掠燕。明日吟。蝸。  
鬢淵云可當柳賦讀

春暮宿湖上

蔣亭彥

岸柳。珍珍。縷烟如織。遙映澄潭。蘆荻汀邊。枇杷洲上月影。輕涵。片時一枕江南。夢回後。鶯啼燕喃。錦幄香沉。瓊窓花暖。春倦猶酣。

春望

錢子璧

倚閣臨軒。東風吹徹。麥秀連天。金爵臺高。銅駝門冷。殘照依然。尋思此日當年。歌舞處。朱橋畫船。黃鳥啼晴。海棠着雨。無限留連。  
硯銘云可與西風殘照漢家陵闕之闕爭勝

春風

錢武侯

歷遍天涯。朱樓西角。頻入窓紗。古陌烟銷。池塘雨歇。送盡飛花。江城吹散。歸鴉垂柳。岸綿飄線。斜時度簫聲。遙傳松韻。輕捲殘霞。

遊練水作

施楚望

又是春閑。幾分離恨。水上輕帆。盡日高風。經宵微雨。隔斷青山。鄉魂只有空還。鶯喚處。花飛夢殘。試向寒林。為思前事。歌吹聲闌。  
硯銘云楚望與武侯賡和詞最富年來僑寓武塘音問疎隔僅得於郵筒中錄寄數闋吉光片羽披對神馳

感舊

張硯銘

憶昔曾遊。小橋畫閣。夜靜簾幽。遶砌疎桐。滿庭寒月。一院清秋。



匆匆獨上蘭舟。忍目斷、天空水流。花謝吳宮，雲消楚館，鳳去秦樓。

閨憶 戲用叠字

冷冷清清深深悄悄院院亭亭悶悶懨懨花草草燕燕鶯鶯  
年年歲歲卿卿日日渺渺迢迢遠程雨雨風風山山水水去去  
行行。  
鬢淵云自漱玉用叠字後得此全首  
上練絕無斧鑿痕為詞家另開風格

極相思

賦得有約不來過夜半

鄒詩士

小樓獨對雲屏。鳳脰自青青。待伊來也。温存錦瑟。排待銀笙。  
暗笑薄情真箇。惜全不聽。城上三更偏教看盡。繡窓月上花影。

分明。  
硯銘云此等詞幾近於曲然却不是曲

應天長 第一體 又一體多一字

卽事

張止鑒

畫堂酒散迴廊立。幾點疎星。清露濕纖手。執輕言密。醒後尋思  
難記憶。細香衣暗襲。小月照人南北。冷落金徽在側。彈來聲  
又澁。  
鬢淵云風骨不凡

閨人刺繡

王貽上

餞春時節深深院。睡起金衣。花外嚙繡床輕。素絲軟。一幅吳綾  
秋水面。麝烟微。螺黛淺。衣上唾絨紅。濺花落日長。人倦偏髻  
拖殘線。

雨別

張硯銘

小樓徹夜風和雨。雨落殘紅。風落絮。春難任人偏去。日斷馬嘶。芳草路。曉晴渾莫據。一片遠山深樹。獨倚閒窓無緒。餘香思繡被。止鑿云別情愁。緒觸境紛來。

惜分飛

新柳

宋轅文

堤上長條烟雨共。染就新黃。輕重知是誰人種。但憑昨夜東風動。明月任他長笛弄。青眼將人斷送。莫憶章臺寵。小鶯啼醒前春夢。

答索鏡

鄒詩士

長伴犀梳光欲暝。片片碧池應冷。無語看金井。瀟湘映出芙蓉景。一點秋波能作鏡。莫向鄰娃相並。寄與紅樓省。等閒藏却孤鸞影。

憶漢月 一名望漢月

旅邸芭蕉

宋轅文

樹底碧陰銷暑。照盡空庭閒處。夢竟昨夜故鄉歸。聽足五更秋雨。幾層新葉起。千萬卷。竟無心緒。知他隨意綠。西風不管暮愁來去。硯銘云蕉心百卷。文思千結。

月中行

春睡

張硯銘

五更零落杏花風。吹向小樓紅。醒時爭得便相逢。又况夢兒中。愁多沒箇安愁處。消費得雨暗雲重。夢時却又夢無踪。不待

覺來空。胎上云用意不窮層層剔出

西江月 第一體 一名江月令

咏別

吳駿公

烏鵲橋頭夜語。櫻桃花下春愁。廉纖細雨綠楊舟。畫閣玉人垂手。紅袖盈盈粉淚。青山剪剪明眸。今宵好夢倩誰收。一枕別

時殘酒。鬚淵云雅麗脫俗

廣陵寄憶用史邦卿閨思韻

龔孝升

別怨暗移青鏡。春愁倦聽紅牙。揚州燈火絳樓紗。不似石頭城

下。伴我郵亭孤月。負他寒食梨花。沒來由事誤天涯。玉笛當

風此夜。硯銘云置之梅溪集中當復無辨

雨發梁谿將過吳門

黃雲孫

解纜依然細雨。放舟且任輕風。風烟兩岸不玲瓏。人倚湘簾欲控。昨夜錦衾角枕。今宵野渡疎鐘。明朝何處逐飛蓬。月落寒

山無夢。鬚淵云月落鳥啼篷窓如見

感述

曹鑿躬

溪上尊鱸短棹。霜餘鏡鼓層臺。少年場客畫圖開。擲了龍堆鴈塞。名利已酬華髮。文章又老青苔。縱饒姝麗解憐才。繡轂雕

輪安在。硯銘云悲歌感慨輒欲擊碎唾壺

落葉

計子山

桂子香殘綠髮。茱萸霜冷紅綃。碧紗彈破雨蕭蕭。鳥鵲亂啼清曉。驚起五更殘夢。送他幾點寒潮。相思吹散廣陵橋。一夜西

風古道

鬢淵云如聞蕭蕭之聲

虎丘

燕子樓邊水淺。流鶯枝上花殘。碧臺青塚影珊珊。最是馬騎人懶。絳樹一聲風細。紅綃半臂香寒。銀床玉綆幾時閒。數點青

山日晚

秋夜

陳心微

永夜銀河影動。滿園丹桂香來。寒烟秋鎖舊亭臺。倚水蒹葭一

帶。倚檻月明如晝。江天鴻鴈聲哀。東臯攜杖獨徘徊。目斷吳關楚塞。

春遊

吳水蟾

客路亭亭芳草。春行處處溪橋。倚樓兒女黛眉嬌。日送錦江征棹。金屋柳烟深鎖。玉人何處吹簫。幾行歸鴈入霞霄。啼破一

痕殘照

硯銘云清新婉麗不減道韞風流

秋夜

周文姬

露冷暗傷秋半。月高早覺更殘。扶疎花影弄闌干。丹桂搖風香散。帳掩清虛冰簟。枕欹撩亂雲鬟。欲眠愁緒起千端。况味凄

涼何限

硯銘云雅潔

燕歸梁 第一體

吳水部園亭演燕子箋劇時玉蘭盛開 王貽上

海燕紅襟語画梁似惜韶光紅牙一曲舞山香辛夷花落銀床  
良媒却借烏衣燕曲江往事堪傷人間何限鬱金堂憑遠恨  
與卿將

偷聲木蘭花

春情寄白下故人

王貽上

綠楊陰裏秋千索乳燕學飛池上閣水漲銀塘落絮浮萍又夕  
陽方山亭下江南路画漿凌波從此去十四樓空萬葉千花  
淚眼中硯銘云登山臨水送將歸使我神竟恹恹

春閨

錢紫曜

嬌鶯侵夢人慵起小院春光過半矣六幅瀟湘頓覺新來繡帶  
長絲絲暮雨愁相續一樹梨花寒瘦玉門掩黃昏絳萼挑殘  
更斷菟

滿宮花 又一體多一字

春繡

宋河宗

清晝長深院杳寂寞畫屏香裊紗窓閒繡斂修蛾銀剪玉蔥聲  
悄燕飛忙鶯語巧斜倚腰肢春小臨風欲刺並頭花不覺金  
針拈倒

卽事

張硯銘

酒初闌人漸醒。滿地月華霜冷。小橋東去近仙家。樓外鵲飛寒影。嚴城鼓角風吹猛。立遍巫峯雲嶺。歸來斗帳不禁愁。羨煞

鴛鴦宵永。

鬚淵云鵲飛句自是三影家風

少年遊 第一體

代女郎送客

李舒章

殘霞微抹帶青山。舟近小溪灣。兩岸蘆乾一天鴈。小分手覺新寒。今宵霜月照燈闌。人是暮愁難。半枕行雲送君歸。去好夢憶江南。

秋砧

李竹西

戍樓急鼓少人行。高樹掛殘星。夏鳥初啼竹燈深處。寒杵兩三

聲。征衣頻記霜華冷。心急剪刀輕。萬里黃河一行銀。鴈同做

許多情。

硯銘云秋風吹不盡總是玉關情韻致亦復爾爾

閨意

戴羅軒

一輪淡月掛簾前。花暎晚紅妍。嬾剪銀燈慵添金篆。獨坐奈何天。鏡奩釵鳳無端顫。相對解相憐。兩朵芙蓉一枝荳蔻。幽夢幾時圓。

別怨

張又李

一鈎淡月照良宵。孤枕靜無聊。殘夢不成繡簾香冷。竹影隔窗搖。關山凍合歸來路。憔悴憶君勞。蘭炷光中啼鴉聲裏。清淚落紅綃。

鬚淵云如聞悲楚之聲

少年遊 第二體

閨情

賀黃公

繡罷芙蓉私拋繡帖。池畔看鴛鴦。花下逢人。必趨曲徑。不顧濕鞋。歸來惟恐相撩。問。獨自掩紅窓。坐定房櫳。縷金小蝶。空自顫。釵梁。硯銘云寫得盡致。

思越人

廣陵城樓懷西泠諸友

宗定九

登層城。俯高閣。江南烟草黃昏。二十四橋明月在。倚欄誰不消魂。孤山放鶴人何處。柳花歷亂飛絮。水調淒涼。清夜起。春鴻那肯南去。

河傳 第一體

小閣留春

鄒詩士

一杯酌汝。春色何癡。藥欄深處。海棠沉睡。紫烟紅雨。和夢將伊去。鳥啼偏攪香衾侶。無情緒。覓共春絲語。柳館鶯來。覓寓。啜雙鬟莫與。

河傳 第二體

春閨

吳二公

殘杏隔牆紅映。烟雨濛濛。輕輕雙燕剪東風。泥融隔簾櫳。呢喃欲共佳人語。隨花舞。故惹空閨妬。落英啣墮。画梁前。微鶯調戲。暮春天。

醉花陰

擬艷

宋尚木

荳蔻梢頭花半吐。欄畔微微雨。一炷水沉香。六曲銀屏人在深處。綠紗窓外春鶯語。密約防鸚鵡。無語暗消魂。翠幙珠樓橫鎖。相思去。

鬢淵云  
驚艷

前題

宋轅文

風裊繡簾雲鬢碍。一半輕粧退。玉漏出花間。羅襪無聲人影。紗窓背。酒暖春酥紅入黛。銀燭搖仙珮。和露洗胭脂。金粉全消。只有香肌在。

硯銘云羣玉山頭瑤臺月下恍忽遇之

睡起

沈去矜

霧障雲屏春睡重。玉枕烟鬟擁。何處曉鶯啼。翠黛輕揚。又覺星眸動。粉痕狼籍燕支凍。強起心煩冗。對鏡懶梳頭。日上紗窓。猶是思殘夢。

硯銘云情致斐亶在屯田淮海之間

秋江

孫執升

荒城過雨斜陽足。水面烟生綠。蘆荻半經霜。雪影空濛。鷗夢無拘束。依稀籬落黃花屋。古岸橋橫木。何處漏歌聲。山水平添。釣艇依雲宿。

新柳

戈長鳴

片雨弄愁愁未了。柳眼窺春早。深處未鶯來。弱影絲絲。翠入晴江小。鵝黃半怯烟光曉。剪出東風巧。借問馬頭人。長短亭前。



留得青多少。

重陽

林季度

木葉驚飛寒裊裊。香潤鑪烟小。籬菊未開時。寂寞金尊酒。引閒情。惱。年年幾度芳期好。只是縈懷抱。休問舊時愁。亭館如今暮。雨。生秋草。

髯淵云澹處生  
姿有雋永之味

南歌子

第三體

一名南柯子

又望秦川

風蝶令

旅夜

曹鑿躬

隔幌牽巫枕。抽簪叩蜀絃。恣情輕薄小樓前。好作從軍蕩子賺人憐。玉澁啼蘭曉。濃愁卜鴈鈿。西陵渡口奈何年。零落鴛鴦心事曉。霜天。

重陽

李竹西

野稻連霜白。荒城過嶺斜。相憐此日捲窗紗。慣是病餘人起見。黃花。峯點蒼茫後。烟晴趁晚鴉。低低彈出舊琵琶。昨歲重陽聽雨那人家。

西湖同妓夜泛

曹子顧

鏡展嬌如雪。衫輕却受風。薄陰偏覺髮絲濃。獨喜清秋無暑盡。船空。頻勸杯中綠。微添酒後紅。銀箏一曲手玲瓏。見有檀痕低搯印酥胸。

硯銘云作詞  
手玲瓏特甚

閨情

吳蘭次

銀甲調新火。珠簾捲曉霞。辟寒初着杏兒紗。正是惱人時節不。

歸家。鶯坐渾身柳。蜂歸兩股花。一絃春怨語琵琶。昨夜鴛鴦買卦又須差。

曉景

楊玉符

鴛瓦霜花繡。紗窓曙色烘。初温錦幄正朦朧。無奈數聲啼鳥隔。簾櫳。眉黛輕勻綠。胭脂淨洗紅。半鈎殘月帶斜鴻。早見一枝梅破小春風。  
硯銘云水姿玉骨

尋芳草

暮春約程邨郊遊

宗定九

這幾日春去。且買棹與君留住。酒帘兒遠掛垂楊渡。隨堤上花如霧。羌管已消。那堪唱江南玉樹。一聲聲賺得東風暮。天

有情天回顧

雨中花 第一體

采石磯懷古

陳善百

千里滔滔水雪。送過幾多豪傑。送到如今英雄已盡。怒浪都空。設醉向長江呼短楫。恰好當頭明月。頰首浪排空。熱酒澆來。滴滴英雄血。  
鬚淵云較坡公赤壁懷古作更覺悲壯

木蘭花 第一體

楊花

宋且華

日初長寒未定。點點飛來春滿徑。花似水。雨無聲。無奈離情吹不醒。小庭空。深院靜。蕩漾東風還有影。留不得。恨多情。為儂

斷送芳菲信。

河傳 第五體

春雨

周壽王

春雨春雨。落花做草。捲霧成烟。謝娘鸞鏡。損朱顏。終年自生憐。

又見雙鴻飛上苑。音信短。斜日紗窓晚。蕭郎不寄。藥珠箋。楚

天夜寒。空捲簾。

硯銘云河傳本隋皇南幸之曲花間所載各體音節錯落不齊後人摹擬往往才為調掩

未能舒展今擇其最工者錄入難免挂漏之譏爾

河傳 第六體

春閨

鄒詩士

繡幃深處。夜深私語。襯月銀雲。洗花玉雨。雨餘遙指青虹。美人

虹。沉沉春夢。和烟繞。相思草。留飼相思鳥。重簾垂下。博山自

麝香魚美人魚。

河傳 第九體

美人圖

儲九旂

清曉風小。落紅片片。胭脂不掃。金蟲寶髻。早梳頭。嬌羞新粧。嬾

上樓。剪剪澄眸。宜遠盼。淒清慣。坐揆薰籠。焰翠鈿。疎媚屬多。

輕羅寒烟。着柳拖。

杏花天

愁

王鳴珮

一江綠水流難去。無數青山遮不住。夢魂欲識相思路。爭奈風

風雨雨。病來時鳳琴誰訴酒醒後鸞衾空誤。小樓倚遍闌干處。數盡朝朝暮暮。  
髯淵云音節停妥漸近自然

雨中花

風情 第二體

王貽上

料峭東風吹細雨。使得春愁無主。昨日清明。今朝百五。漸漸春光去。巨勝花前曾記遇。難忘却碧桃千樹。擁髻燈前偷香。被底一一銷魂語。  
硯銘云不曾真箇也銷魂

幼小

董文友

幼小未將情字省。偶向着養娘間問道。有遊郎。曾投香帕不識他因怎。見得養娘微一哂。却半晌低頭自忖。再記遊郎重看。

羅帕滿面都紅沁。

雙調望江南

一名謝秋娘 仙 安陽好

又望江梅

江南好

夢游

戲和秋岳

龔孝升

華燈畔。春眼溜微波。小閣名香籠繡帶。畫簾人影似輕羅。妙處不須多。癡蝴蝶。生就繞纖蛾。玉碾蟾蜍天上夢。風憐翡翠座。

中歌多事憶鸞鞦。

硯銘云妙處不須多可想見宗伯憐才至意

春詞

宋子建

燕飛來。曲檻回樓東。蝴蝶已隨芳草碧。蜻蜓猶帶落花風。初月尚朦朧。無端緒。一望晚烟空。繡帶隨身香氣遠。翠鈿壓枕睡痕濃。好夢識春風。

本意

王貽上

江南憶。風景奈何春。鵝子蘸絲黃。淡淡鴨頭染。水綠粼粼。帘外杏花村。江南憶。秋氣倍關人。楚塞鴻歸山近遠。吳江楓落雨。續紛誰道不銷冤。

江南事。纔說便沾巾。兒女能為三閤曲。鶯花猶作六朝春。小庾賦難陳。江南客。莫惜酒沾唇。畫裏聖檀分暈色。風前人柳鬪。腰身心力事朝雲。

江南詞

林武宣

江南水流盡。夕陽山漁笛。二聲秋。落鴈西風一夜。藕花寒。楓捲浪痕丹。螢光度。瑟瑟亂江瀾。舞影人歸楊柳岸。波心月映画。

橋闌燈火滿江殘

江南蜨影貼繡紅。疇臙粉新盈。多睡態輕黃。初褪越風流。好夢易相投。尋春去。只在百花樓。未有鶯來先串柳。已無燕後更飛秋。占盡四時愁。

悼歌妓桐月

宋河宗

江南好。重見藐姑神。繡出名葩還並蒂。調成嬌身。會嫌人。蜂蝶漫相親。香堦下。顧步約湘裙。拂檻却憐花上露。臨流自惜鏡中身。難負好青春。

江南好。裊裊十三餘。學剪青羅飛媚蝶。戲拋紅豆。引雙魚。密約自躊躇。良宵短。偏是晚粧徐。倚枕暗香來夜合。開簾明月到。

紗厨愁聽曉鐘疎

江南好。爭說艷陽天。花氣偏濃雲鬢上。春光只在画屏前。珍重是華年。清析遠。銀燭夜生蓮。輕撚冰絃鶯語滑。重拈湘管鴈書傳。着意更相憐。

江南好。桂楫下秋空。潮退水萍猶綻綠。岸迴霜葉漸添紅。人在畫圖中。青山近。面面削芙蓉。負却登臨殘夜雨。催人歸興五更鐘。遊屐幾時重。

江南好。臘盡小梅枝。翠羽探春粧燕子。紅闌積雪琢獅兒。醞醪泛金卮。青燈背。眉語醉來時。長願三生逢好夢。莫教兩地說相思。佯整纓金衣。

江南好。垂柳尚堪攀。生小不知相憶苦。新來漸解別離難。切莫誤刀環。疎星影。兩兩照征鞍。野戍春深芳草遠。玉樓人去翠衾寒。曉鏡淡青山。

江南好。流水帶芳村。小院雨催梅子熟。疎籬風綻豆花新。寂寂掩重門。多病也。長自戀重裯。夜半幽禽疑嘯鬼。午餘茶竈颺晴雲。心事向誰論。

江南好。桐子月痕輕。一葉霜飛金井白。半輪雲破夜臺青。環珮冷冥冥。生綃剪。空自貌娉婷。江水暗流桃葉渡。秋風莫聽竹枝聲。何處問多情。

硯銘云歌伎桐月穎慧絕倫甫嫁王昌之年競推碧玉之艷河宗貯之金谷矐若秦樓錦瑟之傷每容我輩暫醉不謂霞光遽滅梨夢難圓因作望江南詞十二闋悼之同人爭相屬和三載而河宗亦應

清江引  
卷四  
修文之召風流雲散追憶霑襟余長  
調中有望海潮一闕亦正指此也

爲桐月校書作

林平子

江南好。錦樹照庭軒。繡石靜移紅日影。鵲爐輕散水沉烟。乍冷  
早霜天。清角斷。長夜箭初傳。鈿合文枰敲玉子。檀槽小阮撥  
鵝絃。銀燭画屏前。

江南好。日暮碧雲深。芳草青青南浦遠。秋風嫋嫋画堂陰。閒殺  
少年心。看花侶。小徑菊初尋。深閣寒燈曾共剪。西園載酒憶  
同臨。惜別到如今。

爲友人悼歌姬

董蒼水

江南好。烟景媚晴川。柳絮澹雲寒。食節杏花香雨。袂衣天腸斷  
畫橋邊。初相見。碧玉破瓜年。半晌幽歡疑夢裏。幾番私語避  
人前。嬌小最堪憐。

江南好。花信正芳菲。金屋莫愁偏早嫁。畫船桃葉恰同歸。風動  
六銖衣。閒佇立。不羨蝶雙飛。銀甲按箏歌調促。玉枰賭酒笑  
聲微。往事尚依稀。

江南好。淥水蘸明妝。卓女漫誇眉際黛。婕妤好別具體中香。翠地  
舞衣長。風流甚。半醉泥檀郎。蝶塢迷藏無處覓。鴛帷秘戲不  
禁狂。此事費思量。

江南好。腸斷爲知音。南陌碧桃尋舊約。西陵繡帶結同心。良夜  
漏沉沉。人何在。門閉落花深。膩粉尚黏雙鈿合。殘香猶暖舊

清平初選  
卷四  
瑶琴幽恨至如今。

悲春暮

宋舜鈞

江南好。巧試晚妝斜。碧水照人人。照月綠雲臨鏡鏡。臨花嬌意。奈他些。黃昏也。簾幕護窓紗。會說相思憑地下。今宵好夢不。天涯。翠被暗香遮。

江南憶。三五問佳期。好夢半從花底去。長眉偏向燭邊低。促坐說相思。良宵短。偎傍最相宜。一段暗香迷繡帳。十分嬌軟勝。花枝玉漏又催時。

悼桐月

江南好。雨過晚霞明。度曲常傳心裏事。彈碁忘却別時情。風韻

最娉婷。更漏永。嬾去按秦箏。畫燭半明人近醉。錦衾不暖夢纔醒。殘夜杜鵑聲。

江南好。紅日映窓紗。繡閣曉妝羅幕捲。輕茵午睡錦帷遮。對面似天涯。堪憶處。玉指按紅牙。宿酒醒來人不見。清歌散後月初斜。沙外起寒鴉。

前題

張崑遠

江南好。斜日映園林。杏子單衫穿小。逕桐花曲院看棲禽。倚樹自沉吟。人不見。綠館怯濃陰。佳句久知傳碧玉。靚妝今日見。青琴誰共吐芳心。

江南好。細雨近重陽。錦帶雙垂登鳳閣。紅綃輕剪佩萸囊。簾外



曉風涼。雲影澹。蘆荻已蒼蒼。人對黃花偏覺瘦。心隨白鴈共南翔。無語入蘭房。

和河宗作

林定遠

江南好。梅影夜參差。明月一庭人散後。華燈滿院酒闌時。蓮步下階墀。凭肩際。心事露青眉。香霧縈鬟釵半亸。微風動袂帶雙垂。曾否也相思。

江南好。小苑憶藏嬌。月轉闌干聞度曲。風清臺榭獨吹簫。餘韻駐雲霄。高唐近。行雨暮還朝。繡帳玉人金縷枕。碧窓紅日杏花梢。寶篆水沉銷。

江南好。庭院乍西風。叢桂秋來還結蕊。彩雲天外竟無踪。清夢隔巫峯。廉纖雨。腸斷海棠紅。畫展冰綃環珮杳。鏡留鈿匣粉香融。何處更相逢。

悼歌妓桐月

張硯銘

江南好。寒食雨晴時。曲岸小桃紅吐萼。瑣窓新柳碧垂絲。剗地暖風吹。深巷靜。芳信未全知。銀蒜壓簾耽午夢。玉鈎懸日蕩春思。病起弱難支。

江南好。小玉乍相逢。新剪鴉翎齊粉額。半含荳蔻貼酥胸。一朶碧芙蓉。情脉脉。心事隱眉峯。鳳局旋拋香黯淡。鴟絃斜揆手玲瓏。髣髴怨東風。

江南好。芳樹綠陰齊。未解鴛鴦貪並浴。漸憎蝴蝶鎮雙飛。阿母

清平初選 卷四  
苦相依。臨寶鏡。午睡覺來遲。顧影頓教眉黛蹙。窺人何事鬢  
鬟低。行雨夢偷迷。

江南好。小院露荷芳。粉葛淺裁新袖窄。茜羅輕結細腰長。隔坐  
欲生涼。無個事。斑管試拈將。蘭蕊半分螺黛碧。口脂微沁墨  
痕香。清韻逼瀟湘。

江南好。秋色麗晴川。萼菜白肥釵股滑。鱸魚銀軟筋頭鮮。沉醉  
綺羅邊。更漏靜。殘蠟照離筵。玉軫柔柔驚鴈促。紅牙的的溜  
珠圓。一曲碧雲天。

江南好。重過莫愁家。曲徑依依搖竹影。閒庭細細拾桐花。蓮瓣  
印香堦。無人處。相對坐窓紗。宣鼎慢煎龍沫餅。定甕深點鳳  
團茶。半晌夕陽斜。

江南好。金谷少年遊。勸我深盃偏放誕。喚人小謔故嬌羞。白喚  
不回眸。燈影裏。微動眼波秋。銷恨有心催點拍。爲歡無計索  
藏鈎。匿笑只低頭。

江南好。永夜月初圓。錦幃簇紅春似水。玉缸凝碧酒如烟。密坐  
近嬋娟。更靜後。燭影照誰邊。悄地藏嬌。堯鳳。廡倩人扶醉。覓  
花鈿。來往翠屏前。

江南好。花月度元宵。宮樣寶燈拖地錦。山高火樹拂雲燒。面面  
燭光搖。笙歌沸。舞袖隔輕綃。乳燕蹴波翻瘦影。驚鴻立雪顫  
寒潮。空外落梅飄。

江南好。別墅野堂開。芍藥雨酣愁滴淚。藤蘿風引悶牽懷。芳草沒青苔。慊慊病。聞道近黃梅。支枕倍嫌花氣重。窺簾翻怪月光來。音信隔年乖。

江南好。惜別最傷情。遠浦迷離朝暮雨。錦帆周折短長亭。去去復行行。銀塘曲。花片恨飄零。愁緒只教縈百結。幽篁空自說。三生憔悴伴殘更。

江南好。門鎖夜臺深。雨撲雕闌紅曲曲。霜攢繡瓦碧鱗鱗。金井轉轆沉。憑想像。爭寫洛川神。凍月珮環聲不響。凌波羅襪淨。無塵何處喚真真。

髯淵云。硯銘諸闕俱寫實情實景。言言主壁字字珠玑。艷麗奪日至其層節次第復有絲連影合之妙。讀者不可草草畧過。

四卷終

清平初選後集 卷五

西村張淵懿硯銘選定

簞山田茂遇髯淵同評

古吳尤 侗展成叅閱

小令 五

浪淘沙 一名賣花聲

春夜同秋岳小飲

龔孝升

銀燭照柔心。欲醉還禁。珊瑚鈎小掛春陰。偎煖多情簾外月。玉漏宵沉。鴉語帶宮音。柳色搖金。沈郎銷瘦舊時吟。辜負酴醾真薄倖。瞥眼花深。

硯銘云仙骨珊珊

聞春榜口占

錢爾斐

往事不堪談。休更凭闌。年華冉冉入吟髯。且喜長安下第日。身在江南。何處較青藍。夢裏邯鄲。曲橋花影覆澄潭。一領烟蓑。三尺釣。滿眼春山。視銘云未免有情誰能遣此

病中中秋憶小園

多病更多愁。辜負清游。桂飄金粟膩香溝。十里涼風三逕月。閒却南樓。籬草碧黃稠。蟋蟀聲幽。敗荷叢裏一眠鷗。蘋蓼滿溪。秋不管。分付漁舟。

憶昔

宋尚水

銀蠟一重重。寶鴨香濃。珠簾和月照朦朧。戲賭荔枝翻玉局。愁

聽疎鐘。紅袂繫酥胸。褥隱芙蓉。綠雲輕與卸金蟲。釵鬢鬆還。不整偏愛飛蓬。鬢淵云值得思量

燕子

李舒章

小苑午陰長。梅子初黃。三三兩兩過池塘。不管羅幃人倦起。斜入紗窓。細語費端詳。只近迴廊。纔經北館又南廂。啄破海榴。紅欲溜。嬾上雕梁。

秣陵秋旅

宋轅文

鴈字起江干。紅藕花殘。月明昨夜照更闌。酒醒忽驚秋色近。迴首長看。零露曉風寒。鄉夢須還。鳳城衰柳不堪攀。木落秦淮。人欲去。無限關山。

秋景

曹子顧

桐影下簾帷。山亂斜暉。遠峯螺黛欲含眉。殘柳無情絲當絮。爭奈風吹。孤鴈荻花湄。病也堪悲。水侵菡萏怨深誰。綠水人家魚篆淺。燕子飛歸。

硯銘云可入輞川圖

宮詞

計子山

殘照漢宮斜。無數啼鴉。流螢還點上林紗。回首杜鵑春去也。飛向誰家。碧草掩龍車。香井芹芽。玉樓金殿鎖秋花。一片影娥池上月。空照寒沙。

春眺

萬里一孤峯。落照沉紅。夷吾當日重江東。何處青山人不老。獨

恨英雄。黃蝶繞春風。燕子匆匆。旌旗荆楚壓王宮。千古傷心

今日也流水濛濛。

鬢淵云傷今弔古輒喚奈何

秋思

沈友鹿

秋色做離情。輕薄無痕。莎鷄織語報黃昏。隔院桐風吹到曉。空掩重門。清夢與誰論。琴冷香溫。眼波如霧不分明。欲寫愁心紅葉小。瘦損芳魂。

昭君套

宋玉叔

宜伴鐵兜牟。却在粧樓。文姬遺製尚風流。扶上雲鬟頻熨貼。紫玉搔頭。臨鏡轉含羞。笑展雙眸。起來呵手戲藏闈。密語檀郎低附耳。底是溫柔。

硯銘云麗心倩腕字字香艷温入又錦鞋賦尚當遜席

江村

董蒼水

斗帳異香薰。無限溫存。鳳簫吹罷更偎人。枕上雙蛾衾上淚。事銷魂。潦倒厭芳尊。身在孤村。梧桐殘露隔窗聞。別是一番滋味也。月澹黃昏。

鬢淵云靜中有悟

有所思

露重葉無聲。微雨秋燈。情深不見更分明。想得焚香垂手立。繡被寒輕。鴈柱不飛箏。錦字誰憑。夢中猶記彩雲名。桂影半窗人寂寂。依約三更。

硯銘云不作南唐以後人語

贈膠城沈又文

周宿來

麗似粉侯同。拭汗微紅。羊車徐錦為幪。行到藕花亭下。住十

里香風。彩筆更凌空。無限詩筒。雲山點入畫圖中。賦就閒情何處寄。宋玉墻東。

硯銘云蘭臺大夫不免為周郎所妬

春恨

陳其年

湘閣斂星眉。靜鎖葳蕤。玉樓還有艷陽時。縱使人間春自好。悔我參差。偏是好花枝。特地傷悲。銀屏掩着寶簾垂。問取落紅深似海。曾見憐誰。

和曹掌公贈周上衡納姬

沈淵伯

絲管沸華軒。簇擁韶年。吳綃蜀錦似花妍。繡被自裁還自綴。並蒂紅蓮。濃醉綺燈前。看取金鈿。周郎今夜在誰邊。夢裏不知春底事。天上遊仙。

鬢淵云韶秀

題大兄村居

錢爾玉

水木湛清華。有個山家。柴門開向綠谿斜。茶竈未安亭未穩。先種梅花。春暖看東畝。兼辦魚叉。道旁誰識故侯瓜。夢醒晝長無一事。放了蜂衙。

髯淵云林下風味寫得高曠越俗

春情

沈彥澈

小院落花飄。默默春宵。銀缸斜背倚鸞簫。膏燼香殘銀漏永。此際翳消。無計繫蘭橈。良夜迢迢。行雲夢斷楚天遙。相見不如潮有信。空度昏朝。

硯銘云彥澈詩才俊拔風藻動人詞復沉秀幽麗可謂無美弗臻矣

七夕

董子康

新月一弓彎。烏鵲橋圓。雲軒縹緲度銀灣。天上恐無蓮漏滴。忘却更殘。莫謂見時難。錦淚潛潛。有人猶自獨凭欄。若果一年真一度。還勝人間。

春閨

春閨

周肅陶

鶯燕太匆匆。旖旎風光。玉梭和淚織流黃。蹙得遠山眉又淺。怕整殘粧。今夕在何鄉。羅綺餘香。空教寶瑟弄新涼。眼底青春今去也。花落銀床。

閨意

丁雁水

柳帶小樓前。帶雨拖烟。流鶯低語落花天。簾外青衣驚短夢。日上欄干。攜手海棠邊。行到鞦韆。微潮玉面鬢雲偏。偷整鳳鬟波欲醉。徐露春纖。

髯淵云善寫柔情

前題

沈寧之

歲歲伴東風。目送殘紅。鶯鶯燕燕已成空。婉轉蛾眉能有幾。老盡青銅。山水隔千重。遮斷花驄。音書難寄恨歸鴻。香冷翠幃鴛鴦伴去。夢破晨鐘。

擬艷

吳日干

椽燭照華堂。歌舞成行。燈花珠佩燦交光。院院美人雙俊眼。盡屬檀郎。喧笑競飛觴。絲竹鏗鏘。醉中隨意擁明璫。十幅龍綃圍夜玉。煖處聞香。  
硯銘云風流美滿

有憶

疎雨過金塘。花葉低昂。碧盤風瀉水珠香。日暮一樽池上酌。羅

袂生涼。厚意久難忘。款語神傷。會時爭比別時長。往事明知如夢也。未免思量。

雨夜泊舟銅官渚

徐麗冲

漠漠水雲平。蘆荻縱橫。淒涼烟雨送秋聲。一抹遠山含黛綠。爲甚多情。野水半分明。點點疎星。孤篷淅瀝夢難成。記得芭蕉庭院靜。泪濕銀箏。  
硯銘云有澹遠之致

春閨

劉飲王

堤柳漾春光。樹樹輕黃。飛飛燕子掠橫塘。爭向亂花風落處。檢點泥香。波上浴鴛鴦。隨浪成行。多情禽鳥亦雙雙。只有画欄人獨倚。多少淒涼。



西湖

張又李

層○疊○遶○青○山○環○珮○珊○珊○千○年○興○廢○已○多○般○却○藉○西○湖○流○不○去○常○  
得○相○看○簫○管○幾○時○閒○近○也○凋○殘○夜○深○誰○倚○玉○闌○干○惟○有○月○明○  
人○散○後○烟○水○光○寒○

秋夜

張汝傳

霜○薄○未○曾○嚴○金○粟○初○添○暮○山○晴○碧○澹○水○蟾○月○姊○憐○香○思○照○影○盡○  
揭○雲○簾○寒○到○尚○遲○淹○趁○暖○裁○縑○閒○愁○端○不○上○眉○尖○挑○起○銀○燈○  
消○永○漏○綵○線○重○拈○  
硯銘云幽閑貞靜此為正風

代閨人寄外

田髯淵

多○病○到○秋○殘○不○耐○輕○寒○狂○夫○經○歲○客○長○干○何○處○是○渠○歸○路○也○九○

點○青○山○忍○歎○望○君○還○珠○淚○潛○潛○薄○情○真○箇○悞○紅○顏○莫○向○他○年○  
明○鏡○裏○空○想○雲○鬟○

閨夜

張硯銘

天○潤○鴈○飛○飛○小○月○微○微○夜○寒○人○靜○影○依○依○風○入○霜○林○紅○蕖○落○  
葉○萋○萋○香○暖○漏○遲○遲○烟○縷○絲○絲○舊○歡○新○夢○總○癡○癡○密○語○自○商○  
聲○悄○悄○宿○鳥○枝○枝○  
髯淵云情景如画格亦創所未有

江月晃重山

初避人

董文友

幾○片○桃○花○醜○面○一○圍○蝶○翅○披○肩○當○初○生○小○在○人○前○遊○郎○到○迴○避○  
只○今○年○歛○笑○央○人○索○扇○低○眸○喚○婢○垂○簾○猶○飄○紅○袖○出○屏○間○潛○

偷觀輕踢鳳頭尖

雨中花 第三體

殘梅同秋岳作

龔孝升

半捻銀梨雲乍瘦。一帶碧欄風欲皺。問月似芳。竟池憐春影。可記橫斜候。幽磬押簾燈火後。霞帳薄寒香透。漸花怯籠屏人慵倚。笛打疊風光漏。

鷓鴣天 一名思佳客 又於中好

題畫

宋轅文

粧束分明是內家。綠雲初結倚窓紗。水晶簾底懸秋月。雲母池中浸碧霞。紅襪小。翠裙遮。微風搖颺一鈎斜。無端記得春深

淺獨向空庭數落花

昨夜

董玉虬

昨夜銀虬覺未長。合歡離席玉交觴。三聲碧樹留人夢。一點硃砂染妾腸。辭珀枕。去柔鄉。輕將別況不思量。烏啼山月疎鐘後。鳳脰青青冷半床。  
硯銘云。豔詞能手。

冬日小集

曹子顧

赤葉樓頭好醉看。高歌一曲笑彈冠。剖香橘柚吳姬手。撮細葡萄燕市盤。紅袖側。易為歡。多情莫厭酒杯殘。惟耽杜牧風流句。不點明犀也辟寒。  
硯銘云。琢句工秀。別開風格。是學士之長。

重陽

節。屈。重。陽。覺。薄。涼。閉。門。消。得。一。杯。漿。繞。籬。菊。綻。先。開。紫。食。稻。螯。  
肥。漸。有。黃。城。角。下。小。亭。荒。芟。夷。秋。草。受。秋。陽。登。高。不。用。茱。萸。  
袋。自。有。奚。奴。舊。錦。囊。

離姬

賀黃公

樹。影。爐。烟。裊。画。簾。銀。屏。閒。倚。小。嬋。娟。初。籠。蟬。髮。宜。花。壓。未。寫。娥。  
眉。待。筆。添。吹。玉。笛。弄。鴟。絃。旋。移。針。線。繡。床。前。朝。來。春。夢。慵。騰。  
處。正。在。花。陰。學。簌。錢。  
鬢淵云可與坡仙紅  
窓睡重不聞鶯並傳

偶成

孫昭令

斜。枕。琴。囊。數。落。霞。新。移。水。檻。占。鷗。沙。溪。童。截。曆。初。收。藥。隣。叟。封。  
泥。晚。護。瓜。澆。白。酒。看。黃。花。安。排。風。景。當。生。涯。山。僧。剛。載。清。泉。

到折得松枝試芥茶

秋宮

計子山

金。井。梧。桐。一。葉。秋。冰。蟾。滴。水。咽。紅。溝。支。機。石。上。光。如。雪。長。信。池。  
中。月。自。流。青。雀。舞。玉。鸞。愁。催。妝。不。待。景。陽。樓。二。千。歌。笑。皆。承。  
寵。猶。有。蛾。眉。望。玉。鈎。

閨咏

黃雲孫

晚。掠。雲。鬟。上。翠。樓。腰。肢。嬌。小。不。勝。柔。明。知。無。夢。挑。燈。立。暗。欲。窺。  
人。趁。月。遊。新。解。恨。舊。無。愁。忽。驚。語。笑。却。回。頭。原。來。姊。妹。偏。相。  
惹。說。起。兒。郎。滿。面。羞。

新閨

宋既庭

南浦驚鴻賦洛神。床前銀燭照佳人。海棠乍發胭脂雨。荳蔻香翻蛺蝶春。百寶帳。隱金裙。綠楊鶯轉畫堂曛。合歡羅勝初裁剪。低喚卿卿細不聞。  
視銘云喁喁細語如聞其聲

春暮

孫古隍

煤麝沉沉燼未銷。流鶯學語坐烟梢。雨梳石甲龍孫路。風撲泥香燕子巢。開水榭。展雲翹。銀閨午倦捲鮫綃。閒庭忘却春深淺。夢踏殘紅譜碧簫。

曉粧和戴九韶

任青際

纖手難扶半整鬟。曉風欲顫翠花鈿。牙梳掠鬢雲邊。月金鏡觀眉水底。山愁不語念間關。爲臨南浦一凭欄。傷心惹得釵兒墜。何處歸人疊錦帆。

春遊

林定遠

畫閣齊雲縹緲開。寒簾爭看賽神來。垂肩蟬鬢新妝就。短袖鮫綃巧樣裁。停寶扇。整金釵。春光花氣襯芳腮。東風吹過行人面。分得餘香珍重回。

虞美人

初夏閨詞

宋尚木

小池吹皺冰紋淺。澹綠新荷卷。畫長人靜翠屏閒。惟有多情雙燕。盡梁間。香肌不用薰金獸。削玉身材瘦。瑣窓銀剪一聲聲。爲愛生綃疊雪。五銖輕。  
視銘云鏤雪裁雲之手

虞美人花

宋轅文

枝頭一點胭脂透。影裏朱顏瘦。滿庭清露曉雲分。正是楚妃紅淚。滴春。玉堦小立。緋衣女隊。隊臨風舞。當年一曲美人歌。今日夕陽深處。落紅多。

燈下題書尾

賀黃公

紅燈攤罷挑金穗。殘墨磨清淚。想伊此際正歡娛。又倚曲闌深處。暗長吁。心期難倩人傳說。那更鱗鴻絕。綠楊紅杏是儂家。倘有夢。竟來訪。莫爭差。  
硯銘云新思幻想

閨怨

沈彞叔

杏花催送谿頭雨。玉鬢愁無主。亂雲西下繡簾開。偏是隔年燕子。又重來。遙天脉脉迷芳草。一片冰心悄。輕寒無奈近黃昏。只有銀燈依舊照。啼痕。

看花作

宋玉叔

朱朱粉粉東風面。一夜開將遍。花神料得是針神。繡出枝枝葉葉。一番新。黃鸝似向風姨訴。莫把花枝妬。趙家姊妹易相嗔。試看南枝如笑北枝顰。  
硯銘云造意新特不覺荒唐

春情

曹天琪

杏紅衫薄東風透。過雨清明後。困人無奈日長時。偏是柳慵花倦。最難支。畫屏曲檻曾相見。偎倚情何限。臂銷檀印齒痕香。恰在酒闌燈下費思量。  
硯銘云言情婉至

王正四日雨

計子山

東風昨夜梅花瀉。又送春來也。鷓鴣啼去夢難成。却怪一聲帶雨一聲晴。相思只盼金塘滿。嫩柳青還淺。從來風雨舊西樓。偏我春魂銷此最難收。

憐病

尤展成

病。竟。纔。別。書。帷。去。又。借。香。奩。住。慊。慊。瘦。骨。怯。春。紗。猶。向。藥。烟。影。裏。問。殘。花。曉。來。強。起。粧。臺。立。攬。鏡。愁。眉。窄。侍。兒。且。罷。掠。雲。鬟。恐怕春風多厲。不勝寒。

鬢淵云弱態柔姿輕憐淺惜

和李後主

王貽上

杜鵑庭院春將了。斷送花多少。幾層楊柳幾層風。總付銀屏金

屋。夢。竟。中。合。歡。枕。上。香。猶。在。好。夢。依。稀。改。迴。環。錦。字。寫。離。愁。恰似瀟波不斷入湘流。

雨夜

朱舜紉

萬點真珠雲外起。滴碎芭蕉矣。一重簾幙一重愁。又是紗窓香散悄寒收。情人常傷高樓立。樓下榴花濕。可憐幽夢為誰長。記得挑燈細語自思量。

鬢淵云一重簾幙一重愁與阮亭幾層楊柳幾層風異曲同工

旅思

李寅谷

十年車馬旗亭道。極目荒原草。無端萍跡又經過。回首西風殘照。奈愁何。塞鴻嘹唳秋時候。不覺人消瘦。天涯風雨黯傷魂。羈客從來一樣怕黃昏。

硯銘云寅谷為素心文孫六齡能草書虞山老人作長歌贈之個儻有才

詩古文詞無不擅美今其年猶僅弱冠  
四方咸耳熟其名王謝風流輒為心喜

鏡

陳其年

起來爛爛雙星曉。隔着銀屏悄。菱花斜照玉容清。分付一江紅。  
淚點春水。繡簾顛倒。傷春懶。憔悴羞伊見。朱扉半啓怯梳頭。  
最是碧澄澄。處費凝眸。

閨情

田髯淵

春衫翠染堦前草。苔印弓鞋小。簾前啼鳥弄殘紅。人在綠窓深。  
處怨東風。玉釵寶鈿還依舊。無奈冰肌瘦。倦來私語卜金錢。  
羞對空梁乳燕話年年。

硯銘云音節醇正

春情

張硯銘

梨花月落更深了。剛道幽期杳。何時悄立背薰籠。堪笑多疑翻。  
認影和儂。香衾暖夢些些者。可更傷春也。曉來取次面初勻。  
無那小姑。今日太瞧人。

蒼水云小姑解事

無題

繡窓燈畔人微醉。香浸雙鴛被。旋臨寶鏡卸花鈿。今夜月明三。  
五見嬋娟。玉纖暗下冰綃幌。聲落銀鈎響。回眸含笑問檀郎。  
却道芙蓉一朶。隔秋江。

髯淵云姿態橫生

舟中憶舊

鳳城花發春光遍。春盡花如霰。惜花憔悴更離筵。正是曉鐘殘。  
月奈何天。迢迢歸去江南路。芳草青無數。問君那處最相思。

只在篷窓細雨夜深時

瑞鷓鴣 第一體

閒情

張硯銘

東風吹草夜沉沉月影頻移花影深繡閣妾同鸚鵡夢天涯人  
失杜鵑心 潮迴水遠朝還暮燕去樓空秋復春從與楚王臺  
上別更無情緒說行雲

長亭楊柳短亭津蕩漿攀條亂客心柳拂紫烟催去馬津通碧  
海斷歸鱗 吳頭楚尾雲山暗塞北江南花草深無數香閨人  
寂寞可堪憔悴度芳春

玉樓春

一名惜春容

鬚淵云一往情深何  
帝李義山無題諸作

咏燕

宋轅文

雕梁畫棟原無數不問主人隨意住紅襟惹盡百花香翠尾掃  
開三月雨 半年別我歸何處相見如將離恨訴海棠枝上立  
多時飛向小橋西畔去

鬚淵云如此咏  
物別開生面

秋怨

沈君晦

盼盡玉郎離別處空剩馬蹄芳草路年年同嫁與東風只有小  
樓紅杏樹 愁病懨懨竟欲去一霎芭蕉寒響聚空嗟薄命玉  
容人值得數聲秋夜雨

硯銘云令千古  
紅顏傷心墮淚

秋思

李舒章

西園剩有黃花蝶南浦驚飛紅杜葉秋來獨自怕登樓閒却吳



綾雙素襪。亂鴉啼起愁時節。料峭西風渾未歇。兩行銀鴈。十  
三絃彈破梧桐梢上月。

前題

林安國

秋雲凝碧無重數。澹澹寒空飛冷霧。啼鳥陣裏憶天涯。淥水橋  
頭還日暮。凭闌一望章臺路。霜葉如楓是何樹。西風昨夜盡  
情吹傷心人向其中去。

硯銘云黯  
然銷魂

夜思

馮寶初

寒窓滴盡殘更雨。愁病懨懨人未起。枕邊淚冷只沉吟。被底香  
銷空語語。章臺巫峽知何許。一寸芳心千萬里。縱饒有夢不  
成真。况復淒涼無夢處。

木蘭花令

咏秋

許鶴沙

金飈一夜銀塘路。楓冷吳江紅滿樹。芙蓉被底浴鴛鴦。水淺霜  
寒容易去。漢宮紈扇情難訴。何處天涯芳草路。無邊鴈字寫  
長空。不寄相思愁裏句。

秋思

錢武子

白蘋洲上西風切。睡起登樓羅袖怯。斷浦空爭落葉飛。斜陽尚  
抱寒蟬咽。青山無奈輕離別。如此秋聲難乍歇。采菱歌散玉  
人歸。波冷洞庭今夜月。

硯銘云似湘  
靈鼓瑟時

春閨怨

米紫來

輕盈弱柳飄金縷引得愁腸千萬緒。郎情何似白楊花。飛着天  
涯無定據。錦箋裁就何從寄。舞燕一雙相對語。人知春色盡  
繁華。只有相思憔悴處。  
鬢淵云悶損  
人春不管

歡情

張硯銘

黃昏細雨更初報。簾外落梅風自拘。麝烟微度繡幃深。鳳枕半  
欹金鈿小。花柔玉醉歡娛到。曉入屏山渾未覺。鴛鴦睡暖不  
勝春底事。夢中頻失笑。  
鬢淵云可作  
溫柔鄉錄事

南鄉子 第三體

秋病

宋轅文

霜露染空簷。冷透羅衣着意添。扶起倦魂如帶夢。厭厭倚枕看

人開鏡奩。愁過小眉尖。恐不傷秋病又兼。更有一番腸斷也。  
纖纖澹月黃昏。風滿簾。  
硯銘云臨川牡丹  
亭有此等描繪

贈子閑納雙姬

錢爾斐

茉莉晚涼天。角枕橫施壓髻蟬。郎似西陵潮有信。誰先妾似初  
生月半弦。嬌旒若爲憐。不辨湘臯與雒川。妾似芙蓉花上露。  
誰妍郎似荷珠到處圓。  
硯銘云善  
戲謔兮

初夏

計子山

曲院午陰長。槐柳高疎小簟涼。盡日蝦鬚垂不捲。飛揚乳燕雙  
雙玳瑁梁。往事暗思量。紈扇渾疑漢殿香。誤我春光三十度。  
心傷兩點青蛾鎖夕陽。  
鬢淵云哀  
音激楚

咏鬪干

陳其年

玉樹颺西東。染就胭脂帶雨濃。爲近朱樓常墜水溶溶。早被湘文覆冷紅。人靜繡簾重。門外金鞭信不通。不敢望人依翠袂。朦朧殘月多情伴曉風。

硯銘云曉風殘月錯綜得妙

月夜

董蒼水

羅襪錦茵重。葉葉銖衣不耐風。去似彩雲來似夢。匆匆腸斷迴廊細語中。愁倚画樓東。六曲屏山燈影紅。月自徘徊花自笑。朦朧辜負香鑪徹夜濃。

鬚淵云寫得花月有情

踏青

陸楚湄

花撲曉窓明。粧澹春濃不奈行。蝶翅簌晴香力軟。輕輕纔下芳

堦拂鬢迎。

拾翠舊遊程。紅豆曾拋柳外鶯。深院誰家烟樹隔。

亭亭吹出鞦韆笑語聲。

硯銘云簾晴字新

立春咏梅做元美體

張硯銘

昨夜送殘冬。收拾餘寒盪酒紅。曉起不須徵鳥信。東風吹得梅花蕊盡鬆。瘦影壓簾重。萬點清香雪未鎔。薄霧半銷烟暈淺。朦朧澹日枝頭細細烘。

鬚淵云選字工鍊神肖弇州

鵲橋仙

第一體

一名鵲橋仙令

又廣寒秋

別恨

李竹西

孤燈未了。珠簾初下。惱煞舟人催破。多愁不耐五更寒。况數着晨星幾箇。銀河欲沒。金鷄又度。漸覺輕裯難臥。縱然寄得一

行書有幾許雲山折挫

七夕

尤展成

玉鈎盡燭金風簫鼓迎送鵲橋雲雨鴛鴦債欠許多時。着意去  
今宵重補。才郎乞巧佳人穿縷痴絕不知甘苦夜深紫府睡  
雙濃那聽得人間私語。  
硯銘云不獨可廢乞巧文  
并長生殿中亦覺多事

清明

彭駿孫

碧蕪瀉浪晴川鋪練。一陣風來吹皺韶華百五禁烟時又過了  
幾番花候。天桃染暈垂楊添線萬點春光泄漏口噙紅豆寄  
多情為誰把相思嘗透。  
鬢淵云子夜  
歌中雋語

客懷

鄒訏士

輕暖輕寒不晴不雨辜負韶光九十落花飛絮兩無情仗千尺  
遊絲作合。塗抹東西飄零南北從此扁舟一葉夢回始覺未  
歸來恨一點窺人明月。

春去也

春怨

陳善百

怪來春不知人聚知道將歸收拾春同去可憐全學薄情郎處  
處園林留不住。只有蝶兒相顧幾朵落花猶護也應念着寂  
寥人時常一到簾前路。

醉落鳧

一名一斛珠

寒食

計子山

烟輕霧弱新梳燕尾。御花掠梨雲黯淡。隨青幕薄綺疎。獨倚  
瑤池閣。鬪雞臺畔何消索。鞦韆影裏紅塵薄。香泥玉勒聲飄  
泊。烏啼人散。細雨櫻桃落。  
硯銘云秀倩如香裊晴空

閨情

張止鑒

幾番疎雨寒威又早。欺金縷閒遮繡幕。圍鸚鵡架上。沉吟欲向  
愁人語。旋弄秦箏移鴈柱。重重幽怨翻新譜。一經春去花無  
主。記得年時碧草迷南浦。  
鬢淵云細潤合格不以尖麗爲工

讀天寶遺事

王貽上

風流堪惜沉香亭下。雙鴻鴻長生殿裏。如膠漆別院梨花偷試  
寧王笛。漁陽戰鼓驚相逼。馬嵬古驛羅衫濕。秋槐落盡空凝

碧。殘月華清何處人行跡。

咏佳人口

趙澄江

畫眉已過點唇。靺鞨添些箇。脂痕差擬櫻桃顆。龍竹輕吹第一  
梁州破。露滴紅蘭芳氣可。玉缸沾罷翻嫌澆。含情殘笑姿無  
那。迴抱檀郎不惜丁香唾。

踏莎行 一名踏沙行

送春

龔孝升

亂綠迷烟。殘英墜雨。東風不肯留春住。問春尚未到天涯。玉驄  
只索花邊去。羅襪凝香。紅茵沾絮。春歸料是春來處。黃鸝強  
要訴花愁。夕陽催上相思樹。  
硯銘云一語道破便覺從來送春者都是笨伯

早秋

徐屆甫

零雨初收。金波乍轉。搗衣雙袖臨風捲。銀床薤簟陡生涼。遲眠  
 且撲流螢扇。草綠長門。荷殘別院。如絲情緒如雲亂。無端蟋  
 蟀響西堂。井梧葉葉關心顫。  
鬢淵云悲秋一賦無此悽惋

冬懷

李長文

翠幕烟沉。珠簾月小。枝頭未雪梅開早。凭闌無計遣新愁。亂鴉  
 飛盡歸鴻杳。霜杵敲寒。風燈破曉。漏聲滴盡鐘聲悄。香殘酒  
 醒不成眠。流蘇好夢天涯少。

春閨

王言遠

曲徑迷苔。小池明練。春風誤入深深院。飛來多半是桃花。却教  
 相見羞人面。怨徹銀箏。香消金鈿。池邊故故飛雙燕。愁來只  
 自倚樓看闌干。十二思量遍。

春閨

徐方虎

柳織晴烟。梨分曉月。黃鸝啼起芳菲節。柔情長是愛春光。春光  
 依舊人傷別。翠斂眉峯。香消肌雪。闌干倚遍愁難說。不知人  
 意是東風。隔牆吹過雙蝴蝶。

寄曾道扶魏子存

王貽上

芳樹秦城。春流蜀棧。蠶叢西望愁無限。銅梁閣外杜鵑啼。嘉陵  
 江上行人飯。遠道縈紆。春光婉婉。錦江魚香淮南鴈。去時楊  
 柳未勝鴉。青青又滿隋河岸。

恨情

沈去矜

竹葉香絲蓮花金瓣。月華初滿花頭綻。縱然端正。又風流十分。好處無人看。鈿合難分。連環不斷。相思還寄。垂楊岸。前生果是沒因緣。如何空積愁千萬。

硯銘云臨川三春好處無人見同一惋惜

虛步

章無恤

殘月窺窓曉風吹裙。小闌干外深深立。綠茵淺印。一鈎痕。蓮花半瓣生苔色。梧影將寒。綺樓仍寂。一番虛步。羞難入。今宵不信妾曾來。香泥驗取。凌波跡。

鬢淵云為南陌踏青春有跡西廂立月夜無聲轉語

春暮

彭駿孫

鶯擲金梭柳拋翠縷。盈盈嬌眼慵難舉。落花一夜嫁東風。無情

蜂蝶輕相許。尺五樓臺秋千笑。話青鞋濕透。胭脂雨。流波千里送春歸。棠梨開盡。愁無主。

硯銘云金粟詞慧而不佻穩而愈秀出神入化真可獨步一時

咏蟋蟀

趙雙白

璧月初低銀缸欲滅。天涯枕畔聲如咽。新愁舊恨一重重。勞他細向西風說。瑟瑟蕭蕭淒淒切切。如何徹夜無休歇。半江紅樹滿天霜。山亭野館催人別。

鬢淵云寫生高手

佳人

董蒼水

繡袂畱香羅裙拂翠。盈盈絕稱韶光媚。漫將團扇掩嬌羞。風流偏解憐夫婿。燕妬雙棲。蓮慚並蒂。酒酣百種春情。泥小屏低。檻月朦朧雲鬟壓枕。花香細。

硯銘云媚極

秋日和韵

張持遠

雲染青山霜凋碧樹。銀鞍蠟屐尋遊處。千樽傾倒不須歸。涼蟾未放林塘暮。石上流黃機中織素。寄言此恨。今休訴。少年雙鬢已如絲。那堪更賦悲秋句。

硯銘云持遠年方英妙作爾許語所謂為賦新詩強說愁也

春恨

周鷹垂

紅浸江雲綠浮堤樹。一天春色無重數。惱人欵乃木蘭舟。為誰載得愁歸去。留恨東風關情飄絮。來時只在青青路。樓高無奈捲珠簾。輕帆自帶斜陽住。

客窓夜雨

張又李

小閣燈青博山香細。夜深獨聽瀟瀟雨。籜龍牆外怒吟風。亂紅

零落應無數。疎滴堦前密敲窓際。淒淒偏聒離人耳。惜花花盡為花愁。明朝莫踏花陰路。

鬢淵云花為感泣

悲秋

馮訥生

亂草叢叢霜根齒齒。登臺無限悲秋意。一聲斷鴈送離愁。滿林紅葉添憔悴。縹緲羈懷蕭條况味。此時非酒情如醉。寒砧鐵馬。美人心清霜澹月。征夫淚。

硯銘云無限悲風淒然入耳

秋思

宋舜納

畫閣香消珠簾雨細。紗窓窈窕涼颼起。寒英開到菊花無。幾番秋老人憔悴。題就新詩裁成錦字。歸鴻過盡無人寄。夜來偏覺繡衾寒。殘燈獨照相思淚。



前題

林安國

落葉驚蟬池花謝藕依前月缺因誰剖十分憔悴一分秋兩條  
眉恨千條柳雙槩來時離歌浦口歸鴻新到曾知否溪山無  
盡送行人飛雲冉冉還相守

春閨

徐九玉

雨倩花香風扶柳軟亂分春色無人管愁來日日上西樓湘簾  
未捲斜陽晚酒壓羞眉詩牽淚眼相思忽到難遮掩人言路  
遠是天涯天涯可比殘更短

硯銘六神似淮海

九日

張崑遠

鴈陣初回黃囊纔製青山九點烟如翠水痕霜降碧粼粼東籬

黃菊曾開禾綠樹丹楓蟹螯鱸膾攜尊且覓登高地多情破  
帽莫相吹斜風細雨重陽味

硯銘云此味不堪咀嚼

咏蟋蟀

張硯銘

素井梧飄寒塘露冷荒烟漠漠聲相應塞垣驛砌五更風離人  
殘夢頻催醒曲院秋深重簾夜靜半閒堂內宵初永金籠玉  
益為誰憐侍兒立遍涼蟾影

鬚淵云字字切題不可移咏他物工緻無敵

小重山

一名小冲山 又小重山令

重至金陵

龔孝升

長板橋頭碧浪柔幾年江表夢恰同遊雙蘭又放小簾鈎流鶯  
熟真喚一低頭花落後庭秋蔣陵烟樹下有人愁玉簫凭倚

清平不遠  
光五  
賸風流烏衣燕飛入舊紅樓

硯銘云爲  
燕子解嘲

除夕

李舒章

樓上低垂翡翠簾。玉鈎紅袖內。隱春纖。繡額初教綵燕添。梅信  
早。檢點鬢雲邊。香幙水沉烟。燈花凝絳蠟。不成眠。明朝春色  
上眉尖。須好夢。隨意卜金鈿。

秦淮

宋尚木

灑灑紅潮弄碧篙。莫愁雙槳動。舞纖腰。鳳凰臺上共吹簫。從別  
後。絃管不曾調。烟雨散無聊。江山還突兀。鎖金焦。春江花月  
可憐宵。隋堤上。楊柳自覓銷。

前題

宋轅文

春流半繞鳳凰臺。十年花月夜。泛金杯。玉簫嗚咽盡船開。清風  
起。移棹上秦淮。客夢五更迴。清砧吟塞鴈。度江來。景陽碧井  
斷蒼苔。無人處。秋雨落宮槐。  
硯銘云凝碧池  
頭傷心悽咽

和湘真詞

王貽上

行雲如夢雨如塵。秣陵惆悵事。最傷心。當年瓊樹照臨春。胭脂  
井。猶帶落花痕。芳草碧氤氳。舊時朱雀桁。幾回新。青溪休賽  
蔣侯神。風景換紅淚。上羅巾。

春閨

王胥庭

斗帳香濃怯影單。屏山深晝掩。瑣窓寒。鈿蟬銀甲罷雙彈。羅袖  
擁。獨自倚闌干。墻角杏花殘。韶光餘幾許。漸闌珊。樓頭微雨

怯輕。統閒消瘦。暗覺繡衣寬。

髯淵云：穠纖合致。

春閨

張硯銘

日染花枝露欲收。輕攏殘髻影不梳。頭曉風催燕出紅樓。欹翠羽閒語待簾鉤。無計送離愁。闌干空遍倚。幾時休。烟波搖蕩。渡前舟。楊柳外春浪拍天浮。

貽上云：道細景不厭。瑣悉是填詞高手。

臨江仙 第二體 一名庭院深深

同內人湖舫送春用歐陽永叔夏景韻 龔孝升

誰遣風姨吹畫幟。晴湖蹴作濤聲。輕寒羅袖最分明。催花落盡。此別太生生。薄福東君應自悔。一春雲幔風旌。雙蛾小皺縠紋平。夕陽無賴。不管鈿釵橫。



